

平湖縣志

平湖縣志卷二十五

四品銜升用同知平湖縣



外志

祥異 叢記
寺觀釋道附

祥異 按盛世不言祥瑞亦罕氛祲似祥異一篇可畧而勿載然鵠飛星隕屢見於經龍門石言備詳於傳前志分年條載王志併於一朝以次挨列茲復重加采緝續而補之庶後之人有所考證焉

明

宣德十年秋大風潮暴溢海岸盡崩

九山補志

景泰元年春正月大雪二旬間有黑花凝積至丈餘民多飢死鳥

鵠幾盡是夏霪雨傷稼大饑二年夏旱大饑斗米百錢道殣相

望五年春二月大雪四旬不止平地數尺民間房屋俱壓毀夏

六月大疫死者相枕籍

程志

天順二年秋海溢溺死男女萬餘人九山補志 四年夏五月

大水傷禾饑 六年大旱鹽運河竭程志作運河 六年春正月大

成化二年秋七月海溢大水敗稼九山補志 府 六年春正月大

水無麥程志 七年秋七月初三日及九月初一日海溢 八年秋七

月十七日海大溢平地水丈餘溺死無算九年十年海俱溢九山補志

十二年冬十二月恒寒冰凝踰月舟楫不通程志 十三年春正月雷

大雪海溢溺民居 十四年海復溢九山補志 十五年秋九月二十日

地震尋倭寇乍浦程志 宏治十八年秋九月十一日夜地震屋瓦皆鳴次日地生白毛府志

正德四年夏旱秋七月七日雨驟至如注下至十月不止禾多腐

爛歲大饑 五年大水傷稼民苦饑流移者半 六年春夏大疫

死者相枕藉 十一年夏地震程志 十二年春二月二十三日雷電

大雨雹傷麥冬十一月雷震大雪十二月乃止府志

嘉靖元年海溢九山補志 二年海溢春夏大饑 三年春二月十五日

夜地震夏秋米騰貴 七年冬十月十二日地震 八年秋大水

傷稼程志 十五年海溢九山補志 十七年禾蹲米湧貴民饑死 十九年

大旱飛蝗蔽日食稼歲大饑 二十三年大旱禾蹲無收米價騰

貴石二兩民食草木 二十四年夏大疫餓殍盈野塞河魚族腥

穢不可食 三十年李樹生王瓜諺云李樹生王瓜百里無人家

已而倭寇剽殺甚衆 三十一年有鴛鴦飛集於屋程志 三十三

九山補志 年有大魚浮海至乍浦身高於城數日不去巡按胡宗憲為

平胡孫志 卷五 外志 祥異

二

文祭之遂乘潮逝王志五湖外史云後宗憲督兵戰於海倭順潮直犯勢不能當忽有物如牆中斷倭舟視之魚也乃知卽府于志三十四年秋九月初八日未申時有青黑紫色如日狀者數十與日相盪俄而數百萬彌天者半逾時向西

北散去 三十五年春三月地生白毛又有黑者形如亂髮夏五月河濱有血湧如泉如是者三四處冬十月二十日天鼓鳴於西

北 三十七年有馬道人為孽嘉湖間翦楮為兵焚劫地方分遣徒黨徧哄村郭男女深睡時卽為所魘遠近大闕各戶多懸籬籬

籬康熙字典四字以厭勝之訛言妖祟逾三四月始息 三十

九府于志年地震 四十年霪雨大水禾多渰死程志

降慶二年民間訛言選宮人男女未及冠笄婚娶畧盡老穉非偶程志二年夏閏六月十五日大風雨海溢九山補志冬十一月二十日夜

地震程志四年春三月湯山陳山發赤光燭天至五年不絕程志

萬曆三年春有巨鳥從海南來大如舟翅如車輪夏五月朔日食

既午中星斗盡見二十日夜大風雨海水湧溢漂沒數十里九山補志

五年秋九月二十八日有大星出西南紫氣彌天程志七年夏四月

大水白龍從西北來尾帶乍城墮一角南河塘積水三畝一時都

涸九山補志八年夏閏四月大水民饑程志九年布政張大忠家柱礎產

九莖芝王志按程志入王志十四年秋霪雨 十五年秋七月二十

一日大風雨海水大至九山補志十六年旱無穫饑死無算秋有白龍

騰海上紅光滿天司業沈懋孝見龍首半垂兩角間有金冠紫衣

闕大於斗頃之遂收約在塔院前水中東湖水盡涸學前樓屋石坊俱壞空中搜人舟而騰有不知去向者程志十七年

大疫積屍滿道河水不流 十八年冬霪雨三月不止 二十一

年春夜徧野皆火人聲喧雜遠近驚駭卒無蹤跡月餘乃寂夏有大星隕於新倉化為石聲聞數十里光徹遠近程志二十二年秋八月有黃色牝雞三足後兩竅各生卵高志二十七年圖澤鄉人掘土

見一泥王長數丈鱗爪眉角宛然如生王三十二年冬十一月地

震程志按府于三十四年春學宮前平地湧泉清芬不竭王按

程志入志三十五年夏四月初四日有黑光如日者數十與日相盪

三十六年夏五月二十四日黑赤光與日鬪二十七日復鬪是

年大雨累月不止室廬俱壞田可行舟歲歉四十手夏大疫

四十三年秋七月十八日天裂朱四十六年冬十月夜半東北有

白光一道直衝西南亘數十丈形如刀刃鋒芒可畏天明方隱如

是者經月王四十七年春三月黃霧四塞者再至對面不相見朱

四十八年春地震夏四月施太史僕家公雞生子形如雀卵色紫

六月米價驟貴石一兩五錢朱志參

天啟元年春訛傳選宮女爭相嫁娶如隆慶時程志參二年春二

月二十四日飛沙蔽天聚成堆其氣甚腥日出無色三年冬十

二月二十二日申刻地震四年春正月十一日雨色如墨水二

月三十日日無光旁有黑日摩盪初止二三後至十百計如是者

月餘冬南城彭姓殺雞腹中有如人頭者口鼻皆具五年秋八

月初一日白晝星見月旁六年秋七月初一日大風拔木霑雨

如注室屋俱毀兩晝夜方息程志

崇禎元年秋七月二十三日大風海溢壞獨山等處民舍數百廛

湖水成鹵夜有浮光若星朱四年冬十月二十日天鼓鳴五年

夏五月至七月不雨六月二十日黑虹見 六年夏六月二十五日大風拔木學宮圮石坊倒者十有三居舍咸毀 七年蝨害稼九年夏六月丙子夜有星大如斗色赤芒耀約十丈自西南流而東聲若雷 十二年春肉肆王瑞巖家雞生一卵甚大破之中又有一卵殼甚堅 十三年夏四月初八日雨徹一晝夜至五月初九日禾盡淹石米三兩 十四年夏大旱三月不雨五月二十八日飛蝗蔽天道殪相望不逞輩伺有孤行者剽奪之周城外絕人往來 十五年夏秋大旱積屍橫道朝所見屍及暮見之非復前屍矣 十六年夏大旱民不堪饑相率而掠有米之家逼糶官米 十七年春二月初一日白虹貫日 朱志

國朝

順治二年夏六月終夜流星往來如織 朱志 八年夏旱秋米價騰貴

每石四兩五錢 十三年秋大水 九山補志 十五年秋八月初九日大

雨兩晝夜平地水深二尺 十六年夏夜黑青見 朱志

康熙三年秋八月二十一日大風海溢 九山補志 六年冬石米四錢五

分 七年春正月二十七日戌時白虹見西方夏六月十三日太

白經天十五日晝星見十七日戌時地震生白毛 十一年秋禾

白槁死如席如箕如笠鄉人名箬帽瘟 十二年韓家帶民家雞

雛生四翼四足秋九月太白經天 十七年夏六月十二日青氣

經天 十九年秋八月初二日雅山裂石起蛟旋斬落一段氣甚

腥其大如箕節骨可作春臼冬十月初四日彗星晨見東方十一

月初一日復見西南蒼白色芒長五六丈 二十年春正月二十

三日子時大雪雷電 二十一年夏四月初四日張婆灣沈姓產一男勢生於額腎囊在腦後口僅一小圓竅三目豎其一怖而溺之 二十二年春二月大雨至夏四月不止無麥 二十六年夏四月晦大易齊景二鄉暴風雨冰雹大如升次如拳傷菽麥幾盡 二十七年夏六月十八日未時日旁有五色雲朱志二十九年冬十一月大雪八日河皆凍斷 三十五年秋七月二十三日颶風拔樹 四十五年春夏霪雨米價翔貴西野筆談五十年海上夜見旗幟疑為賊跡之無影相傳為陰兵云乍浦備志

雍正二年秋七月十八日大雨湖海並溢浙江通志四年春正月十四日訛言屠城闔城驚竄知縣楊克慧廉得造言者痛懲之眾乃定五年大有年穀有一莖兩三穗者 九年秋蝨傷稼 十年春

米涌貴秋蝨又傷稼王志

乾隆二年秋九月二十六日新倉監生徐士穀妻張氏一產三男題奉

恩賞銀九兩二錢 三年壽婦平宋氏一百一歲題奉

恩賞建坊銀三十兩又加賞內府緞一疋銀一十兩高志十三年夏五月

旱米價騰貴王志秋大疫民間謠曰過得戊辰年便是活神仙乍浦備志

二十一年春夏米貴大疫 二十七年秋七月十三日暴雨水溢

陸可行舟冬奇寒湖冰堅厚舟楫不通 三十二年夏六月旱

三十七年秋八月十一日大雨如注水驟漲丈餘 三十八年

秋七月二十二日黎明大風雨空中有物自東南迤西北去所過發屋拔木沈氏廳移尺許舟有擲至數里外者 四十六年夏六

月旱十八日颶風陡作大雨竟夕廬舍飄蕩海溢河水皆鹹水退
田中獲海蜚無算冬十二月十二日大雷電 四十七年秋九月
陳家河有物空中過冰雹隨之迤北一帶稻田數百畝被擊罄盡
五十年大旱河港皆涸 五十一年春石米錢五千 五十二
年大有年冬十二月二十一日大雪盈尺二十四日連夕霧淞占
者謂豐年之兆王五十四年夏四月大雨雹傷麥 五十五年夏
四月縣城新街衝平地出汞冬十二月大雪雪中有巨人跡二旬
乃消 五十六年夏四月霪雨四旬有五日無菽麥斗米三百錢
秋木棉不實 五十七年秋七月颶風拔木 五十八年夏秋疫
九月二十五日日中倉橋河水立高丈餘越三日高墳漾水立
五十九年秋八月霪雨經旬路

嘉慶元年春正月九日風雪大寒湖冰堅凍旬有二日乃泮麥多
凍死秋有年 二年夏菜麥大稔秋有年 三年春二月二十一
日雨雹夏六月旱秋七月霪雨冬十月晦衆星東南流如織逾時
乃止 四年秋有年除夕地動 五年春正月旣望大雪平地三
尺餘 六年春正月十一日海潮日三至 七年秋大有年 八
年春正月十一日東湖潮日三至夏秋疫人家爭粘載臟臟三字
於門以禳八月螟害稼 九年春恒雨夏五月二十三日大雨兩
晝夜瀕河低田俱沒斗米四百錢秋有年禾多三四穗者路志十
九年夏六月朔縣西大火延燒二百餘家 二十四年夏四月初
十日戌時雨雹秋大旱 二十五年冬疫新
道光元年夏大疫俗名甲死者甚衆 二年春正月大雨雪夏大
脚痧

旱六月十一日午浦木場火兩晝夜始滅 三年夏五月大雨水
災秋七月初二日大風拔木暴雨如注二十九日大風海嘯 四
年秋九月二十日邑署大堂火 七年夏六月二十八日夜星隕
於韓家埭秋七月二十三日大風傷稼 八年夏五月霪雨傷禾
秋九月不雨冬不雨 九年春三月乃雨 十年秋七月二十一
日大風雨傷稼 十一年冬十一月霪雨米貴 十二年夏五月
恒寒秋七月旱米石六千錢冬不雨 十三年春三月乃雨浹旬
不止豆麥俱壞夏蟲嚙木棉幾盡冬淫霖晚禾歉收 十四年秋
七月二十四日大風雨水驟長丈餘 十五年夏五月旱河水涸
六月十四日夜大風海溢人多溺死秋八月霪雨 十七年秋疫
十八年秋七月大雨新纂冬大有年府于志 十九年春正月朔大雨

迅雷是月大雪三月初四日夜新倉雨雹新纂秋九月初六日地動

府于志二十一年冬十月有野鴨自北來羣集稻田食穗幾盡十一

月大雪平地五尺十二月朔地震有大星隕於東南衆小星隨之

二十三年豆有如人面者 二十四年冬十月二十三日地震

二十五年夏五月戚家蕩豬生一象越日即死 二十六年夏

六月十三日夜地震有妖人剪雞毛 二十七年秋七月二十二

日夜大風拔樹 二十八年夏六月二十日夜海水衝白沙灣淹

民居 二十九年夏五月霪雨浹旬水溢米驟貴 三十年春正

月十六日夜白氣竟天二月初九日夜午浦四牌樓火延燒二百

餘家秋八月大風雨田禾淹沒米騰貴石六千錢新纂

咸豐元年秋八月初二日大風屋瓦皆飛雨暴注水驟長五尺

三年春地屢震生白毛 五年春正月二十九日夜地震冬十一月初九日新倉黃氏婦一產一男四女二十七日戌時二十八日未時迭次地震牆屋搖動河水沸騰白毛生長至尺 六年春正月二十六日夜有大星自西南流至東北光芒四射隆隆有聲夏六月旱秋蝗冬斗米四百五十錢 七年秋七月風雨傷稼米貴石六千錢 八年秋疫八月彗星見西方光芒數丈月餘始沒十年春正月十二日迎春東郊牛逸秋七月城陷冬十月初八日天鼓鳴十一月二十四日新溪鎮有羣鳥蔽天鳴甚哀二十五日粵寇至焚掠一空 十一年夏五月彗星復見西北冬十二月大雪平地丈餘新纂

同治元年春正月大寒人多凍死 二年海溢海甯塘比河水皆鹹田

禾多死 四年秋禾死 五年春夜空中有人馬聲燐火徧野鬚見形絡繹不絕俗言陰兵起 八年冬十一月夜空中人馬復見隱隱自東北至西南 十年秋疫 十二年夏秋大旱田禾減收冬多雪新纂

光緒二年夏有妖人剪辮并訛言有妖魔人六月十三日夜大風拔木是月至秋七月金星晝見 三年夏五月二十三日大風壞民居秋七月蝗冬大雪牆屋凍裂 七年夏秋彗星見西北 八年秋彗星復見東北新纂

叢記 按研官野史原非以述新奇而快事遺聞亦足以資考證茲則刪舊志之繁蕪集近時之聞見擇其尤雅者錄之於左

屠漸山諭德欲治一僕怒甚僕求解於夫人夫人曰可置一大魚來莫測其旨漸山嗜魚見而詫其肥夫人從旁微笑曰但水寬耳僕竟以此獲免 朱志

屠宮諭應埃居秋涇橋有鄰人負其子孟元銀以屋基及塋田償之孟元不肯受曰吾當另酬汝直前銀不迫也鄰人感之以實訴云契因抵負故昂寫今酬直何敢多領孟元高其義曰汝不讀書尚知禮義不欲虛受我值我反見利忘義耶固與之及宮諭歸鄰人來訪訴其子之厚德公曰爾房已售今何居曰移某所矣公呼孟元檢契還之且為葺其墓戒家人毋相侵犯 朱志

陸莊簡以司寇假歸令來謁問曰今歲不登錢糧合徵否公沉吟不答令再問公又不答既去子弟進曰彼竭誠相叩一邑事待大人一言奈何終不答耶公曰吁爾何知我以為應徵則得罪鄉里以為不應徵則國家經費將何出令揣公意遂經歲不徵及公起大冢宰而令以不催科議落職九鄉僉押時公亦無他語但聾蹙曰如做鄉賢父母何遂俱不署令得無恙王劉存義合湖時倭寇城急思城上懸燈風雨吹爛且苦燭寡令鐵工作薄鐵板斲薪木灌以瀝青為長鉤墜城腰瀝青遇風雨益熾不添燭而火光亘長夜城上望城下如晝城下望城上如漆

程志

沈坤居湖之西麓家頗饒不為產業計學文不就去學武嘉靖間

以門戶充役集收銀米遇歲饑死者相枕坤悉散家資并所收銀米以療饑民官督之茫無以應甘罪獄中會倭寇猝臨總督胡公募勇敢之士聞坤名出獄留幕下議論頗當胡意一日倭戰王江涇我軍失利胡亦被圍坤子惟敬甫弱冠單騎突圍中挾胡而出胡益愛重坤受職千總部兵三千父子設計偽裝犒軍官滿載藥酒手執公文經倭營而過度倭追將及父子棄舟渡水走倭得酒喜甚爭飲而死者無算程志王志按明史倭前時宗憲尚為巡按篇中云總督及叙次前後均有誤中毒酒事在磚橋之敗

陳馬兒者乍浦軍人嘉靖間倭犯金家灣指揮方泰射中一倭追之墜馬而傷馬兒扶泰上馬與敖鎮護從一倭刺馬兒不能中一倭刺鎮仆之馬兒救鎮起復二倭至同刺馬兒鎗及身馬兒

以脇夾其一以足拉去其一一人敵四倭戰甚力援絕足陷石
窟中被殺秦爲文祭而瘞之哭之甚哀

朱志

初倭巢沈庄總制胡公覓善說者衆莫應庠生沈維錡慨然請往
胡問汝何策以動之錡曰倭巢錡室當以主人禮進錡有繞舍
田數百畝因寇荒蕪國課無措誘彼屯田徐圖說之胡善其議
錡儒服入倭叢中爲叙主客禮談論頗洽因說以耕種之利并
爲畫久遠計而陰俟大兵四集一夕風聞有漏其謀於倭倭心
動者胡公疑錡語洩合門綁軍前將從軍法通邑冠紳父老願
以身保胡疑始解後卒殲倭實錡本謀也

程志

洪進士烝爲河南州守時有盜所陷者臨刑謂陷者曰我今死矣
我實非盜又非識汝汝何陷之深也盜曰汝不記某年月日乎

我飢而以甕易於市某某且予直矣汝過而視爲弗直也某卒
弗市而我負以歸臥於其所今渠魁者過而餌我以升斗也因
從之而敗我死由汝汝安得獨生遂同刑而死

路志

鄉同年馮小山敏功平湖人余仕淦爲令公已作江右少參矣移
書不佞曰凡初入仕不可有立異心不可有好名心纔好名便
要立異不久便要破敗惟平易二字可終身行之余佩服其教

續見聞
雜記

沈晴峯登春榜未對策而歸時邑尉某頗有惠政蒞任未久卒於
官寡妻弱子貧無以歸公往弔以百金爲贖始得扶櫬還鄉里
越五年晴峯赴都補試尉子已先入翰林矣乃極道公盛德遍
懇當事遂得館選是科鼎甲外翰林惟公一人而已

王志

孫簡肅家誠頗嚴諸子析箸後命每夕各出盤蔬榼酒共飲飲畢分題賦詩其意以為兄弟日親則妻妾之言不得而聞蓋亦具

苦心矣

王志

維揚鹽商史翁家頗饒有誣其不法於麻城觀察蔡公適同年陸考功志孝過蔡偶語及之遂得釋陸實未識其人也後轉倅黃州將於維揚購媵為主器計至一家見其祠堂木主有志孝名大詫問故即史翁也翁出率家人羅拜言其故曰微大人骨在智井矣因曰既欲購媵願以弱息屬箕帚即飾裝從公不能卻今史夫人是也後連舉二子

朱志

馬封翁德澍嘗他出西鄰夜驚疑失火孺人趙氏呼婢啟視有遺物纍然當道昇而視之皆金玉飾也孺人曰是必典庫遺盜盜

逸棄半途者明當還之召二子問焉皆曰返之明日命僕歸典

中一時嘆異二子者給諫嘉植孝廉嘉植也

路志

崇禎元年秋海水溢入內河沿海水滲禾多萎死有老農金姓者

置桔槔於水面夜半厚水入田禾竟無恙蓋海水性沉夜靜則

旋其取於水面者皆河水也此農之巧思可以為法

王志

崇禎六年秋海寇劉香連艘數百將犯乍浦時兵巡道蔡懋德海防司知楊起鳳按乍同參將江之清督兵戍守申嚴斥候晝則升旗夜則燃七星燈於觀山之巔以示有備賊舟及岸銃砲不絕遂失利而退

張志

國朝

張豈文著乙卯孝廉周鼎甲子副元家漢之父也禔躬端方年逾

七旬丰神洒落一日掃墓歸道旁見一叟持畚鍬治地見豈文
瞠目直視曰君非八官乎豈文亦謂其人曰而非路某乎今年
九十以外耶曰不止然則百歲耶曰不止考其生時年月一百
十四歲矣蓋族僕也與之談舊事歷歷應對不爽勞以粉餈角
黍大噉十餘枚豈文異之招至家待以賓禮與之酒食又復大
噉翌日豈文對親友言及爭設酌邀飲無不盡歡陸侍御鶴田
公具晚生帖敦請分庭抗禮令其面南坐相接甚恭某曰鄉紳
家甚無趣云何吃酒要拜如許揖謂打拱也歸後得疾卽於是
年考終

王

志

我湖典舖自徽商黃成山控縣令景貞運後息增至三分貧民嗟
怨後趙恭毅公申喬撫浙題請分半起息立石永爲定例公去

任衆商賄囑憲司經承具呈府縣將謀翻案紳士無一起而撓
之者獨山陰趙瞻侯僑居我湖不憚勞怨遍控各憲始得仍遵

趙例瞻侯一人之力也

王

志

陸孝山爲南雄守其父值誕日官屬紳士有餽遺孝山悉以
呈俟有所受密令備之以進而外則盡卻之真不愧養志矣

王

志

陸亮周居新倉康熙初歲祲有菱湖人持五百金來糴舟次廣陳
爲饑民所掠其人踉蹌訴於亮周冀資之路費亮周遣訪得實
出橐中金如數償之其人感涕願受半亮周曰我以此金賑我
鄉耳汝遠買豈可虧本後其人每至湖必以菜果餽識弗諉焉

亮周子元一少年舉於鄉

張

志

康熙癸亥秋連日東北風大作海水縮苦竹山外十餘里見石子

街彷彿有居民遺跡枯樹竹根俱未壞盡有拾得五銖錢者雍正庚戌六月既望潮退復見石路有瓷盤古鏡井磚等物沙平且堅舊有鐵版沙之說信然

張志

陸文學德原止一子艱於得孫康熙甲辰赴杭於望仙橋下拾得遺金二兩許候還不至欲歸寓午餐又恐其人或來忍飢以待薄暮有踉蹌哭覓於途者叩其數適相當究所需則賣豕殮親且將鬻女以殮也亟還之復解贈三金戒勿鬻尋舉一孫燠入

大學

朱志

署邑篆石門王丞某適公出盜犯數輩破械逸倉皇紆道出南郭門遇者皆為所傷至新橋逢醉人以梃猛禦卻走隨有捕役營兵夾擊俱就擒時康熙丙寅四月七日也

朱志

羅模字鳴一居西門外艱苦力學年五十三猶困童子試戊戌夏

學使者彭元瑞拔補弟子員覆校口中暑疾卒使者弔以文曰

人生哀樂如飈轉輪賀者在室弔者在門炎官火織厥威何虐

本自孤寒甯堪焦灼方將屬纊尙爾揮毫不如不售數或可逃

五十年來寒齋苦學十二時中空花開落世上有人兩齋文福

黃口科名白頭令僕獨汝偏窮一衿命畢何以解之莊生齊物

一日之知浮屠三宿不待秋風文章已哭

張志

青龍橋地接泖河水勢湍急向駕以木時建時圯乾隆壬辰陸萬齡之妻張氏捐資易以石氏寡居老而盲建橋後目漸明年八

十三猶康健善飯

張志

邑中魏叟鬻粉團為業會邑侯王公鳳生新蒞任遇事明斷以廉

潔自守好微行一日至魏所買粉團啣之間叟曰邑侯為官何如對曰即今觀之可謂清矣因指釜中曰吾懼其如此水公愕然問故曰凡粉團始煮其水甚清久則漸濁愈久則愈濁吾見邑侯多矣鮮有不似此水者王公雖賢吾懼其似此水也公稱善久之而去有知之者曰子獲罪矣此即王公也叟惶急不知所出然公亦不之罪也後公竟以廉潔終其身

春暉堂文集纂

寺觀附按邑之寺觀大小百計茲不敢濫登姑仍前志所已錄者

勅賜棲心寺

在東湖鏡漪堂東南舊名化城庵明宏治間知縣羅尙忠

生祠詳祠祀

後改為庵旋圮僧是岸重建

國朝康熙四十二年

聖祖仁皇帝南巡召寺僧元璟至吳門

行宮

賜書棲心寺額

僧元璟隨掩雙關

駕紀恩詩脫白當湖水一灣蒼松翠竹至尊恩眷親題額祇要棲心不買山仁宗

飛白惜無多堪笑羲之帖換鷺邁古超今成至寶山窗

月事臨摹法王心印帝王心一字蓮花一字金本是靈山

親付囑流通

元璟恭勒於寺門雍正三年重修

浙江通志參張志海甯查慎行重

宿化城精舍和紅椒上人初自嶺外歸詩化成庵外水如今燬

按

天每到東湖愛泊船禪老麤償行腳償詩翁重續對床緣今燬

王

心寺係

平湖縣志

卷三

外志

寺觀

三

德藏教寺 在當湖市唐會昌二年僧道宣建光啟初廢後唐清

泰中鄉民邱邵新之名曰寶興宋大中祥符八年改今名景祐初

復葺之隆興二年重修廊宇魯衢有記至元嘉禾志 姚桐壽樂

可憩按魯元至正十六年六月十一日燬於兵火明洪武初重

建定為教寺宣德間立僧會司府柳寺有雙塔清泰中建名寶興

壽方兄弟重修紹興三年魯琪再新之宋彝尊詩山門宏治間

寺門雙塔並夕照挂林西影落東湖曲參差終不齊山門重建署

知縣楊冠題曰東湖第一山康熙天王殿萬曆丁鐘樓山門內華

四十年重修咸豐十年燬於兵燹未重建鐘樓久廢華

光閣清祐初大殿永樂三年重建萬曆癸卯重修馬維銘重修

會也餘風所暨溢於江左吾邑故吳地而隸於浙即不腆僻瘠亦

長水一名區也城中僅一德藏寺奉三世尊於前殿凡釐祝祈禱

雨暘之類畢之焉歲久日圯幾不可支每相與歎惋安得有大心

之士現宰官而棟梁之晉陵王侯若惺筮仕吾邑蒞治再期化孚

政治鳴琴之暇齋居味道脩然有裴公美趙閻道之致乃因緇素

之請為葺前殿木石磚瓦丹漆瑤繪不移而具余履其地而若驚

恍然如有悟也佛言無我相人相眾生相壽者相離一切諸相即

名諸佛今茲之舉諸相儼然豈靈山付囑本指乎我試妄言之眾

生以相為相者我人眾生壽者佛以相為無相不着我人眾生壽

者故曰佛說非身是名大身又曰莊嚴佛土即非莊嚴蓋身既非

有相從何定佛土如燈籠露柱莊嚴如兔角龜毛微乎微乎華嚴

世界微塵諸佛刹皆是物也今以吾邑之小而有大心長者如侯

飛仙鳧而來慨然外護非夫剖滯着之關偏殿二藍祖師智者大

千手觀音殿成化間地藏殿向為本寺公所凡遇公事眾房會

官客送寓亦在此絕不累及禪堂萬曆戊子重建按楊府碑記

議恢舊宇不一年業有成雲水寮康熙三年水陸齋壇隆慶六年

僧大慈募沈及松風臺山月池梓樹坪詳古雨花亭菊坡浦花堂

忠重建久廢

竹庵諸勝久廢支院一十有四澄霽今呼西長生澄霽北舊西隱長

北竹深西隱翠巖半山梧竹翠巖北竹庵舊雨花二殿西北舊與

觀師講經東旭山二殿妙巖二殿東昇震妙巖東南萬歷中從樓

雨花之所東法雲東隱東筠居俗呼東南房雲隱筠居西按竹

東隱亭東法雲名樓雲筠居今為忠義祠雲隱深旭山東隱三

房並嘉靖中從基共三十九畝七分九毫向俱免稅萬歷間有解

景賢祠遷此而不徵而眾房願起徵以免役遂分寺基公佔十二畝四分七

釐一毫房基辦糧二十七畝二分三釐八毫德藏寺志畧

國朝乾隆五十二年知縣王恆重修後殿光緒三年邑人重修新纂

府柳志縣東一百步別有德藏講寺先教寺一年立建炎中重建舊名天台教院在教寺後洪武間定為講寺宣德間立僧會司猶

在講寺之內考寺志載舊自城隍街至陰陽街皆屬德藏寺基址

今竹深等三房並從景賢祠遷此則知講寺併入教寺當在嘉靖

間而前志遂止載教寺矣

福源普慧禪寺 在縣東南一里元皇慶元年張竹溪建明永樂

二十年僧維賢重修正統十二年僧本澄重建藏殿府柳志嘉靖間

改為兵備司署乃移建二十三都圓珠圩有浮圖七級并名福源

泉水旱不竭徐階遷建福源寺碑記平湖縣二十三都其地在唐

肩並峙而福源最大其遺址尚在至今猶號福源塘宋之季也遭

兵燹廢前元盛時有富室張氏改建福源寺於當湖里石屋洪大

師嘗為住持石屋道重宇內寺益有名元末又遭兵燹廢三十年

僧大才初構法堂至國朝洪武二十五年續并小庵復成寺賜舊

額焉永樂間僧維賢大而新之翰林學士陳公循為之記嘉靖甲寅烏寇犯平湖重兵屯守總督巡撫上官絡繹莅縣故僻隘無所容有議設備兵憲司縣大夫倉卒應命遂毀寺為兵備署而寺復廢云然福源遡唐千祺屢廢屢興地三易而故額無改類有神聖冥護烏可泯也故比部贈大理卿胥峯陸公暨伯子司空五臺公叔子故學憲湛庵公季子鄉進士雲臺君共愴斯事矢圖興復而二十三都舊第之東南眾水所瀦積沙成洲其圍如壁廣圍畝許夜常有光燭天固不耕之地也進上君繞洲增築拓為七畝請於官復建寺於洲之上首建浮圖七級藏石刻法華於中大理公父子既竭家資聚財鳩匠乃迎名釋法雲與其徒戒先來主寺事募緣佐工凡殿堂門廡齋廚禪室以次告完罔弗堅好里中太學陳生等咸德陸公又助貲以起佛閣經始於隆慶二年二月畢工

於萬曆七年十二月視
昔當湖之舊加壯麗焉

國朝康熙八年僧如海重修朱咸豐十年兵燬

以書福源禪寺
刻石及臨溪

一幢 猶存 同治七年寺僧道修募資僅建數楹

舊址新纂

福臻禪寺 在縣北四里宋紹興六年僧建名福臻院元末

兵燬明洪武初重建定為禪寺府柳志 按舊志皆後復廢萬曆

二十三年陸基誠重建程志 陸錫恩碑記我湖距城當良之陽

朝兵燹之餘風雨剝蝕藉以髡削作藪椽桷為薪獨法身丈二風

樛雨淋露凝雪鎖兀然不動村墟善人覆以發頹間有感而興者

羊鹿之勁不勝象王此其起滅相倚佛土作塵垢耳當是時先大

夫夢發禪神語曰爾復我居我福爾後先大夫省而拈据擘畫捐

千金為倡復糾諸從昆季宗黨咸雅後先協助乃得鳩工工竣屬

念曰四楹次寥無住持僧歛忽蕉露耳乃遍訪蘭若中得無方老

禪歷參教乘閉關攝定作枯禪兀坐華亭船子道場老禪之重建

也鉢中無勺粟之餘戒行能壓伏諸方先大夫延住方丈復創殿

若西方大悲三藥祖師天王伽藍者八莊嚴像若仁王大悲祖師

阿羅漢梵天者不下百座施常住最野田四十一畝五分明

孝廉復勸母姨施氏施銀圩田三十畝併資常住大開禪堂中閱

教乘吁嗟先大夫之後七八年間益宏益潤法幢祖燈高暉倍切

茲老禪以功滿謝去其徒清安髫歲即為老禪提攜二十年來足

為老禪副車請余勒石彰之來禩余知清安必能發老禪頂後一

段光明先大夫善施之功堅不墮矣

國朝乾隆五十三年知縣王恆重修王咸豐後漸圯光緒七年寺僧

慶良募修新纂

大乘禪寺 在縣東北二十七里元延祐二年僧頑石建內有玉

泉池府柳志

青蓮教寺 在縣西南二十里本石佛寺唐咸亨中建宋治平元

年改今名明洪武初定為教寺至元嘉禾志參程志

普照教寺 在廣陳鎮為東寺本僧伽院宋治平元年改今名明

洪武初定為教寺有塔巍然嘉靖間慮倭寇登瞭燬之殿宇亦漸

平胡系志 寺觀

國朝乾隆五十二年知縣王恒重修

韓畱西林寺冒雨詩細雨能留客清棋破寂寥半城還撼城中

路轉蕭蕭落葉隨山屐寒雲沒斷橋西窗今夜宿無奈近芭蕉

道咸間漸圯同治初寺僧銘蓮募

修王志纂

南禪寺

福源舊基為陸莊簡宅後復捨宅為寺

府志

乾隆四十

一年重修

王志按乾隆時曾於寺後隙地建倉廩一十一間以儲社穀今圯

長福寺

在城北二十四里柳浦塘東梁天監末建明嘉靖間倭

寇踞為巢一夕燬故址漸廢為田萬曆四十七年邑人林士奇捐

田重建

朱志程志云僧了塵托鉢過此一鶴鳴舞於上異而詢之居民知為寺址遂簞笠盤坐擊柝於其處風雨晦冥無

輟而鶴亦朝夕留止依依不遠去居民目擊其異爰共樂助焉追計燬時適一週甲子

圓證寺

在顧書堵明嘉靖間邑人沈宏光重建

朱志

瑞祥寺

舊在湯山巔

程志作祥瑞庵

火於倭移築稍下

乍浦志

王六龍湯山曉

鐘山堂記畧浦有八景其一則湯山瑞祥曉鐘聲聞百里鐘昔浮海來事頗誕故老能言之寺舊名瑞祥遭兵燹移剏山半鐘亦以火故失聲且徙置他寺矣予友因仲題為曉鐘山堂以存鐘也季秋十八日因仲偕余與雪溪往遊焉抵山寺時將下春山僧煮茗粥作供酒既酣振衣長嘯予曰今夕之主吾盟者素輝良友待吾輩於山巔盍往從之乃取逕自北山下平沙無垠覓不見人即志所稱湯克寬提兵擒海寇指湯山為我家山處也過此為捍海塘西連秦駐遵而南則為苦竹山天妃宮巋然峙焉下臨巨石即所稱姜女搗碓處亦八景之一余登之望越山不可見指鴻濛雪浪外聽號禽愀然深鄉思焉久之海潮至矣接天遙白雅山浮其上孤城湮其下幾不可辨諦視之內霧外潮連為一色因此想白霧堆中睡鄉醉鄉不知其幾吾三人從高視卑從醒視夢獨領造物幽杳之奇於冥色更深層巔千仞之際俯仰情深徒相視發三嘆耳徘徊間遙聞譙漏從霧中出清聲冷然漸趨曉矣乃下山詠歸託山僧謝吾良友咸豐間兵燹同治七年重建新纂分清輝而送之

潮音寺

在雅山下塘口為宋元古刹火於倭

乍浦志

西林禪院

在西門外西南隅相傳魯簡肅西臬園舊址

明包世杰重建

西林禪院碑記節畧鵝湖邑志具載西林禪院在勝國時而近為倭所擾化為閭閻梵唄之聲銷於機杼間矣陸莊簡公現宰官

身護法而通徹宗乘咫尺精藍忍使其埋沒於荒煙野漠之間乎
時雲棲律師廣隱戒行精嚴慨然欲鼎新之意與莊簡公合萬曆
甲午來主其事而明宇居士暨比部上舍捐地之為畝者二以助
之邑宰王公稽查邑志舊名贈以斯額師於是罄衣鉢之資創三
楹以延雲水而弛擔者如歸駐杖者如舊矣以此上酬法乳下
報檀施吾許嘉禾之西林他日與廬山之東林並垂不朽焉 大

殿傾廢順治十八年重建程志參咸豐十年兵燬

東林禪院 在東門外相傳魯簡肅東舉園舊址明萬曆間重建

馬維銘重建東林禪院記古有捨宅為寺者皆名人才子國王大臣我邑濱海一隅此事希有有月懷者俗姓陸從幼念佛俗呼為佛子未出家時有宅一區計若干畝老無子棄俗出家俗呼為頭陀一女一婿仍朝夕孝事唯謹婿即履西亦棄俗為僧有三學上人者少年苦行頭陀身為供養王學不屑屑受供而即就其宅與不佞輩結遠公社宅未有僧舍造禪室一所未有法像裝觀世音一尊於是書棟雲興金容日麗六時禮誦法流與湖水同清四眾皈依慧燈與海月共照亦既知止蓋亦有年今春仲月懷自知溼槃將至對眾捨宅創院住持以邑中舊有東林寺請不佞書東林二字立額於門外不數日兀然端坐而化其議構小瑜於所捨地中完窳之禮也其日觀者數千人中有父老不禁饒舌曰是惟懷之能捨宅亦惟其婿之能不利其宅以成懷志皆可嘉尚乃

族人欲瓜分其地聚室而謀訟焉邑大夫台曲吳侯趨懲之余請於侯佃以已資復請於臬司署額給帖而眾始定我聞佛不能度無緣今日之舉緣在侯是佛以無說說侯以無聞聞若非侯則不佞且難逃督責其若父老何侯於我邑愛民好士種種善政尋以意外需調行矣余故并鐫諸石亦去思碑之嚆矢也

國朝康熙十九年燬於火僧達源復葺程志參咸豐十一年兵燬同

治中寺僧募建新纂一在新倉萬曆三十六年僧姜山建康熙十九

年僧甯然不二復葺王志

眞實禪院 在西門外刑部郎中毛湛建內附毛氏宗祠久廢朱志

纂

柏子禪院 在乍浦西門內明崇禎十五年僧萬徹募建朱志今廢

四明禪院 在乍浦東門內明嘉靖時建乍浦志今廢

中普陀禪院 在外蒲山王志

平胡縣志 卷三 外志 寺觀

法華禪院 在新倉後明崇禎間建朱志

紫青禪院 在石莊南舊名北聖堂程志

通真禪院 在鳳凰基西圩舊名南聖堂邑人陸懋學重建有斷

碑程志

報本塔院 在當湖沙盆圩有磚塔七層明嘉靖間邑人陸杲建

孫植報本塔碑記 邑治當湖湖匯塘涇浦激諸水東北注之
三泖東南九山屏列海上湖中有洲曰小瀛洲直邑之東南巽隅
形家者云須建塔其上以當巽峯鍾靈標勝乃於邑之人文物華
攸壯粵自宣德分治以來百三十年莫有舉者邑父老胥語及之
嘉靖癸亥鄉先生祠部陸公謀之給諫祐山馮公憲副上莘趙公
輩而協遂造觀經度鳩工庀材躬任其勞資費甚鉅時邑侯而下
與鄉之士人雖樂有助者而公之己力實有什百焉初以洲之土
淖塔成就坵公乃獨力撤以更之石灰甌甃累加固益稱堅永
訖工隆慶丙寅公名其塔曰報本塔之前列置穹石擬廬山五老
峯傍築赤松坵室湖中築放魚磯悠然亭巖幽鱗泳與塔影對登
其顛平挹海峯俯瞰闔市如振衣雲霄之上其下泓波澄碧遠涵
山色騰原膏壤雲木連陰美哉茲塔之勝前所謂形家之說信當

屹為表鎮矣 陸杲報本塔記 峯平湖故海鹽一雄聚自國朝宣
德間初析為邑議者謂邑四郊悉無浮圖以鎮是以山川風氣不
固不完欲建塔於邑之案山以迓集靈祉先伯兄大司空是其言
意已有注矣會值召起重以倭亂遂停後十年為嘉靖壬戌鄉先
生給諫馮公輩暨諸父老申前議轉篤僉以邑城之巽隅鵝湖之
中洲眾秀所鍾也塔建其上為宜復以予曾修錦峯山塔頗得其
方屬余典其事受茲羣委夙夜靡敢暇逸經度規為務極心符塔
既成名之日報本蓋天地者萬物之本也大君者萬民之本也父
母者身之本也師者闡教作人之本也統宇宙所有莫不有本容
無以報之乎是役也肇於癸亥夏六月甲寅築累歲餘業將就而
遽圯綠洲地最卑厥土淖而不堅於是輟而改築其下加累以石
十層而址基始固古塔雖用磚木稍久輒毀今盡用磚石灰瓦不
雜以一切易朽之物雖屹立千百年可保其無虞也製凡七級廣
圍十一丈有奇高十九丈有奇四圍華檐繞之上下角皆懸鈴聲
聞數里其北將為塔院匠氏之工凡萬五千六百役夫之工凡萬
九千五百灰石磚瓦鐵以數萬計勞費甚鉅遲至丙寅秋九月丁
未而工乃畢焉其諸應募相助者雖貴賤富貧多寡先後不一其
人要皆薄利而好義者也已勒石紀其姓氏矣若夫專於省試慎
於出納則鄉耆楊君廷錫庠友朱君朝銓之力居多焉
萬歷間侍郎陸長庚增建後樓七間
大鐘磬各一

國朝順治己亥塔圯庚子諸生林喬捐銀五百兩舉人馮洪業捐銀

二百兩鳩工重建歷久未竣康熙丙寅翰林陸棻勸輸經理改七

層為五至戊辰而工竣置常住田四十三畝有奇 府劉志參張志

報本塔碑記畧吾湖自宣德分邑以來迄於嘉靖之季閱一百三

十餘年民物之殷科名之盛已云地靈而人傑矣乃環顧四境之

中海畔青來湖濱綠滿獨無穿雲侵漢者以映帶其間於建置不

幾缺畧乎此我族贈司寇背峯公謀於給諫祐山馮公憲副上莘

趙公選鸚鵡之芳洲開袈裟之淨域經營四載一築再築而甫成

茲塔也名以報本前記詳言之矣乃洲狹百畝而塔高七重狹則

力薄怯於載重高則勢孤艱於持危未及百年遂致傾圮邑中士

大夫咸以廢墜為憂而汲汲焉議其興復而物力既微人情猶渙

雖以我族筠修方伯公倡募於先鶴田侍御踵勞於後而財勢恒

匱作止不時歲月遷延訖難竟緒逮我家義山太史復為鼓勸鳩

聚多資然後施以露檠表之輪相而塔乃底於成又終以力薄勢

孤為慮因降七重為五重而更有國學鄒銓棄家披荆塔院法號

蒼雲捐資建石橋以連屬於右岸庶幾有所附麗而地以甯塔亦

固矣是役也先後勸導雖出我族諸紳而毅然主持使士民皆有

所觀勸者惟邑父母是賴與筠修公始事者則金侯聲遠倪侯石

麓與鶴田踵事者則蔡侯子實張侯振南也今則朱侯兆公與義

山共董厥成焉其釋氏之有勞於茲者鑑公湛兮慈公大音及監

院堅密濟也其士民之贊襄者則有韓劍先鄒曙升李純吾族叔

水立諸人繼則宣力效勞不一其人而始終經理者則虞卿叔一

人也其捐資之最者則吾族汶川合話山馮徵君兼山劉文學

初炳林文學楚南與城中各典布莊每疋一文之勸其以次而殺

者一一勒諸石也塔之圯在順治己亥經始於庚子之驟落成於

戊辰之冬計二十有九年製高如前而廣圍倍之所募銀錢共五

千八百有奇皆以供工料之用較昔殆皆倍焉蓋欲速者易隳而

圖全者常存觀今日修復之艱難下異時建監之久遠是不可以

無記 按陸棻記東湖寶塔合尖於康熙丙寅歲庚子月壬辰日

戊申時凡役工匠六千二百人用白 乾隆間知縣翟天翱周昭仔

金八百餘兩錢三百七十貫有奇焉 王恒先後修葺道光二十三年寺僧雲祥募修咸豐十年樓燬於

兵惟塔僅存 新纂 馮敏効沙汀塔院詩文筆巍巍出水與登臨

佛悠悠板疊磴行歌曲繞迴廊法堂鐘磬朝還暮不是瀛洲是

上方 董含遊塔院眺午浦山詩登臨還極目浩蕩踏金鼈近海

濤聲壯連山霧氣高岸腥魚集網霜冷雁投壕野渡歸來晚秋風

繞桔槔 陸載紀晚登報本塔詩夕陽遠景淡相和差喜東風變

舊柯直上雲霄青靄合俯窺城郭翠煙多一聲清磬蒲帆出九派

寒湖夜月過二十年來空有賦登臨莫漫發長歌 沈初九日登

報本塔詩岩堯古塔聳禪關百里西風眺望間樹影紅藏湖外寺
天邊青出海門山荒田看盡飢鳥噪小市相逢醉客還莫漫登高
悲舊侶芬然
霜菊對人間

興福院 在陳山俗呼陳山寺 宋紹熙間重建基最廣山門在牛橋殿

凡十八相接至頂山與田畝甚多今之圖山圖田皆院產也 明洪武二年以寺

僧道不法事籍沒寺以有龍祠得不廢韋李二天王像乃德藏寺所塑時寺中欲易四金剛

將毀之乃托夢於陳山僧真秀曰我向在平湖今思來山中德藏

僧亦夢天王辭去陳山僧往訪大奇之乃具舟裝載像本泥塑不

覺其重遂殿後為積翠軒李天植築殿前銀杏樹高二丈餘係天植手植

國朝順治四年僧智源募金重修九山補志 王端遊陳山寺詩曲折花溪宛轉橋參天石笋絡藤條

人間仙境無塵到世上浮名此地消畫棟香泥巢白燕碧欄曉露滴紅蕉涵空臺畔堪吟眺千點蒼山萬里潮 咸豐十一年兵燬同治十一年里人重建龍祠新纂

青龍觀 在觀山西麓久圯僧湛之欲拓地改竅因啟古墓縣禁

之遂撤工九山補志

鹿苑 在縣東南三里順治間居民陸輔臣捨建其西偏為諸生

陸大勳奇勳書齋併捐作禪室西野筆談云向有陸氏夫婦家小康無嗣以所居為僧舍捐田十畝

膳僧死即葬於後供神位於佛之旁名曰陸苑附報本塔管業後有僧居之改名田棄位毀并掘其墓為菜圃 同治間

里人重修有放生亭今廢朱志纂

湖隱庵 一名祈堂 在梯雲橋南宋慶歷五年僧黃龍建明洪武間重修

雄麗宏敞後居民侵削過半

國朝康熙四年僧不愚重修同治中寺僧廣照募修高志纂

葦庵 在南司東隅程志 毛湛母持金剛經三十餘年願朝南海而嚴於內誠每附尼師往禮一瓣香及期

吉祥而逝湛謂大士導引之力故於尼師掛瓢今廢

處題曰南葦遂設母位於佛座側陳繼儒題額 飛錫庵 在當湖東岸湖有潛龍以錫杖制之程志 住持心鑑旅亭

置基田九畝張明宇捨田九畝六分金繼山捨田六畝咸豐十年

兵燬朱志纂

萬峯庵 在飛錫庵北圩僧元洪募建朱志湖中無山以庵當之湖當

風土 乾隆五十三年知縣王恒重修咸豐十年兵燬王志纂盧生甫詩一僧

紀畧 指開金碧海國鄉園棄若瀝湖上市收人寂後疏鐘來打夢回頭

普濟庵 在化城庵南昔曾設壇祈雨於此後有白衣觀音像禱

之多男程志趙韓竹枝詞白衣庵裏乞蓮胎儂拜觀音郎抱孩

寒閉佛燈一重籬外棘縱橫衣當日讀書處惟聽蕭蕭風竹聲

沈修齡詩亞字紅欄樓角東靈旗不滿一竿風鐘聲初靜潮聲

打春雨祠 庵為僧行堅自焚處其北為湖濱香阜王志東湖志

堂碧草中 神俱石像飾之以金相各不同祈禱靈應相傳明正嘉時湖稱白

洋渡最為險要有客夜被盜投水浮浮湖面若有神扶之以行遂

至東岸天明遇救得不死乃 咸豐十一年兵燬同治中邑人重建

捐金建廟乾隆二年重建

新纂 王志云按府吳志載普濟庵為元賀傑舊宅邑人陳朗徐

志鼎詩並述其事而盧生甫詩註謂陸炯讀書處沈修齡詩注又

謂舊係沈梁祠堂三說均 無碑版可證存以俟考

梵香庵 在南門外知縣呂猶龍建初名呂公書院後改庵張志

散花庵 在小南門外二里百步橋南程志陸澄原

雨華庵 在西門外僧費雲募建同治間重修朱志纂

曹溪庵 在北門外順治十四年舉人郭雍圖建其西為藕花庵

僧超性明本同募建又西為掬香庵邑人胡濬建朱志

清河庵 在北門外五里張八尼建程志

三聚庵 在城外西南隅當漢水東流之委形家謂其地宜隆起

邑人李夢泰周應仁張廣裁建程志址僅三畝五分水周環之

賜洗滌皎月澄流柳外輕舳籬 有八景曰水樹垂簾波雲侵几初

邊漁纜近市橫橋遙村湧塔 咸豐十一年兵燬同治中重建新纂

竹溪庵 在小南門外葛家橋康熙間建 陸菜竹溪功德林記竹

偏去城二里許舊為民居而葛家橋河流南環而襟於古前有蔬

園後有竹林境頗幽勝德藏寺僧澹雲傾鉢資構之奉伊仇禪師

住錫而已為首座伊仇係平陽法嗣性樂禪靜甬東士大夫請主

天童者再師再辭不赴當示寂時澹雲方邁病遂付拂於鹿苑澹

然澹然業耕日不識一丁字既受戒豁然心開今且升堂說法酢

答如華鐘之受叩僧築寮房雲水爰集整頓為一叢林矣余向者

訪伊仇入佛堂之右廂見有功德林香火羅列神主不少余唱然

嘆曰是尤宜以待無祀者假伊蒲之供免若敖之餒其可也先外

父楊淇園公無子春秋伏臘余設位而祀之念其久而或不繼也

丁卯秋製淇園公神主祠以洪屠兩配香華鼓樂奉安於功德林

捐田四畝六分有奇為香火費儻有同志者續而充其旁為香嚴

之田日以增功德日以永余其且為濫觴之源矣乎

庵康熙十九年僧法建建 志 朱

普福庵 在福臻寺東順治十五年僧其暉重葺 志 朱

定光庵 在西門外康熙九年邑人洪合望建 志 朱

普度庵 宋清熙間尼僧慧性建魯开有碑記斷毀故址在三登

橋北設縣時遷西門外珠圩等廢萬曆二十二年邑人胡士奇重

建 程志 胡士奇普度庵碑記夫庵觀之設尚矣其建立墓所者

何固知匪獨統統崇奉佛教蓋亦永延孤靈之藉焉余觀里中

宦族之墓往往左觀右庵以供歲時祭享彼其子孫且億用心猶

尚若此而况煢煢荒塚子孫無依者乎藉令無所維持其間微論

歲時祭掃無所供給安知數十年後不受侵掘廢為田壤者知此

可憫且慮又當何如余外大父母外父母陸氏四塋蓋類絕墓云

向在佑聖宮後民居之中剝地幾至露骨余甚憐之萬曆十九年

間用易外父堂弟陸懋珠圩蟬蜩淩波田二畝二分並作一墓遷

葬四靈若以為得其所者然而後日之慮尤殷也及閱縣志宋元

時有大乘普度庵建三登橋尼僧居之逮我宣德年設縣遷庵西

關外珠圩庵名普度尋廢余不覺慨然嘆曰此古蹟可仍陸氏孤

塚有可托也於二十二平捐資鳴工建庵一所週迴三帶沿河剝

岸不數日告成詢知尼普慈者素以戒行清嚴經典徹熟推許里

中延為常住荷庵之香火不絕即陸氏之孤塚永久地也隨呈本

縣賜普度額匾給禁約已而郡侯曹公重修府志具稿而未成而

其事已備載之然則是庵也豈余之無故特創哉夫亦所以續古

蹟而昭厚道也故為之記

三一庵 在北門外四里 志 朱

寺觀

蓮庵 在直行塘邑人陸宏銓建朱志

廣德庵 在東湖景圩康熙間僧智曉建朱志

重鳴庵 在起圩明嘉靖間建朱志

柳溪庵 在柳莊塘南元至正間建朱志

圓通庵 在虹霓堰東康熙間重建右為潘氏宗祠其南為白龍

潭有報本靜室朱志

永思庵 在清溪海鹽御史劉泰墓側程志

夕照庵 在清溪又名南庵明沈昇及其子琮瑋建朱志

永福庵 在毛家匯橋西元至正間僧玉峯建其東為聚福庵有

儲田二十畝朱志

水西庵 在時家村時氏捐建朱志

望湖庵 在乍浦東門內亦名東庵剏建未詳有銀杏樹高十餘丈大五六圍挺枝俱向西北結果無心蓋數百年物庵前有望湖亭宋元時為士女遊觀之所久廢乍浦志
會濟庵 在乍浦北門內俗名齊觀廟明洪武二年建又有梵音庵俗名茶亭古峯庵俗名草庵並

國朝康熙間建乍浦志今俱廢

六度庵 在乍浦東門內明崇禎間建乍浦志

西來庵 在乍浦南門內明崇禎間建乍浦志今廢

普照庵 在觀山乍浦志

海會庵 在高公山南麓明萬曆末遊僧攜一大士像結茅居此有草一枝土人病來卜者僧卜草與之即愈後草絕卜以大士前

香爐灰丸與服亦無不愈者遠近施舍不日成庵知縣羅尙忠聞之疑其惑衆遷像於德藏寺凡三十年

國朝順治十八年僧了心募建移歸香火復盛後圯同治六年重建

九山志纂

騎龍庵

在龍尾山

乍浦志

潛庵

在雅山北柴河潭順治三年僧萬徹建李天植題曰柴溪

精舍

朱志

獅子庵

在雅山西麓順治初建以山形如伏獅故名其西為行

素庵

九山補志 泰乍浦志

同治十年重建

新纂

鎮海庵

在獨山東居民唐子耀子才捨基七畝柯孫氏建嘉靖

三十五年有滅倭異跡

程志 泰朱志

今廢

沙井庵

在獨山之陰松竹葱蘢甚有幽致上築石臺供大士

九山

補志 按王志云沙井庵本張氏宗祠明初建

福蔭庵

在東十九都永圩監生葉庭槐建又有德麟庵在新港

亦庭槐建并捨蕩田三十畝

朱志

湧蓮庵

在大村坊順治間僧蘊空募建

朱志

蘿月庵

在二十五都陳田村年圩本邱墟廟故址康熙元年陸

氏倡捐重建左附宗祠

朱志

善慶庵

在二十三都飄圩順治七年僧渠波建

朱志

觀音庵

在扶行橋明萬曆十年邑人徐文元建

朱志

一在乍浦西

門內倉衙俗名宋庵崇禎間建

乍浦志

永垂庵

在縣南十里康熙間居民吳幼榮建常住田八十六畝

朱志 陸之祺
有記文闕不錄

香林庵 在走馬塘張敬湖捐建右附張氏宗祠朱志

般若庵 在新帶西元皇慶間建府劉志

巨平庵 在新帶袁家橋明天啟三年建朱志

復庵 在新帶明崇禎五年建

國朝康熙間重修常住自置田九十七畝眾姓捨田二十七畝基地

六畝一分祭田一十三畝五分燈油田一畝五分朱志 曹志周

庵者天息禪師卓錫地也其始一堂兩室後廡前軒雖環堵半畝宮而翛然有山林之意計其落成在崇禎甲戌歲是時師年三十有一也至甲申而師以問道古南飄然曳履去荏苒再歷春秋雖池草常青庭柯不改而烽塵四起村市幾墟庵中諸瞿曇困守數椽飄搖無定然後嘆師之去留所係非淺也丁亥師受拂歸息肩般若庵尋之大乘古寺不數月修圯整煥煥然改觀適鎮上舊交絡繹拜迎者相望於道遂於辛卯復返故廬里人咸願為師營講席苦懷盛無餘地謀於家伯叔兄弟咸相與輸助觀成焉自是遶

庵數畝編籬築基明年成殿宇又明年成講堂又明年成山門凡齋堂客座香積厨雲水堂及諸應有寮舍次第創興再闢竹地菜圃直達河孺垂楊拂籬新篁夾逕每於朝霞夕照中烟火參差鬱蔥萬狀規為式廓顏曰復庵余因眾人之請謹詳創庵始末勒之於石用垂不朽

芥庵 在新帶順治十一年僧古風建朱志

大乘庵 在張家廊下邑人張大雅張之潏捨基僧恒修募建朱志

郭紹儀有記文闕不錄

聚秀庵 在二十二都南瑤池浜創自宋時蕩塌已久惟佛像猶

存明萬曆四十七年僧果圓募葺程志

觀音堂 在喜雨巷清水明嘉靖四十年邑人陸杲建像係範銅

為之水旱祈禱頗著靈應

國朝乾隆五十三年知縣王恒重修程志 參王志同治中邑人集資重葺

新纂

三元堂 張志作宮 在儲家灣明洪武十九年建隆慶間居民儲湘重建

國朝乾隆四十二年建文昌閣於殿左 張志 兵燹後漸圯同治中邑人

重修 新纂

香露林 在北門外僧靈發建 朱志

寶王林 在菜圩處士王端墓東端子漣建以祠端有祠田十畝

朱志參張志

獅子林 在乍浦北三里康熙十四年韓泰元建并捨田二十畝

朱志姜希轍有記文闕不錄

法慶林 在南門外舊名華嚴庵順治間僧遠鑑募建 府吳志按張志作

康熙丙申僧霽瑩募建嚴思位有記文闕不錄

祐聖道院 在廣陳宋建炎間道士張了道募建久廢 府柳志

壽康道院 在漢水橋北東自按察分司西至申明亭上下街皆

道院基明宣德間設縣廢附德藏寺西偏 程志

松塵道院 在北門外順治間邑人喻源捐別業馮洪業張翼宸

張有孚共捐資落成值張真人過訪題曰松濤洞天康熙四年顧

明傑倡建斗閣咸豐十年兵燹同治間重修 朱志纂采壬林題

芝去岑寂掩荆關幽鳥有時下白雲如此閒徘徊水石際長嘯松風間緬想餐霞客高蹤杳莫攀

崇真道院 在乍浦南門內元至正十二年邑人馮秀一建洪武

二十四年併入海鹽金真道院 府柳志乍浦志云俗名道觀

仙觀 在北門外九里明宣德間朱寰清捨基三畝四分建嘉靖

間曹丹并修 朱志程志云嘉靖丙戌有仙附亂降於邑之錦川自稱呂洞賓能懸筆作詩書畫極工請事者無虛日

平湖縣志 卷三 外志 寺觀

衆因叔仙觀諸木俱集而少正梁亂書吾自取來夜半見基畔飛
至古木一枝乃梅樹也遂以爲梁不踰尺寸凡月朗風清嘗聞音
樂隱隱在花影樹梢間一日馮小山在坐仙出一對曰楊柳株株
蛙馮謝不敏仙自對曰蓮房孔孔空衆嘆奇絕構放鶴亭四壁詩
畫皆仙筆也書匾曰騰龍
第梅溪草堂字勢飛舞

國朝同治中重修新纂

元真觀 在新倉元至正間建朱志

呂仙觀 在東湖棲心寺後放生院南嘉慶九年南河總督吳璈

創建大殿三楹植梅數百本四圍繚以短垣名東南第一觀路志

自有記

釋道附按緇羽之流本非儒家所尚茲亦僅
仍前志所已錄者畧爲刪節以著於篇

明

雲峯出家五臺後至當湖迎大佛居馬維銘園中歲餘善講經言

行古質形貌肥偉後於武林天竺寺講經一朝坐化越三年五臺

舊徒移師龕北還湖中舊識迎至南郊外開龕瞻禮笑容可掬肥

不減昔府袁志

心源姓吳名可化字龍淵弱冠遊庠萬曆丙子巳中式檢原卷爲

燭仆損置乙榜偶赴雲棲蓮池師聽講名心頓冷遂披剃參師說

法遂雄法嗣庚戌六月十九爲大士成道之辰參拜畢沐浴趺坐

而化程志

法霽號東池俗姓王初住鹽官福業院出參天池山玉芝師者十

九年晚居福源建法華塔於圓珠圩臨逝牀褥發異香茶毗後數

日香猶未散舉人陸光宅爲建石塔陸莊簡撰塔銘朱志

真可字達觀自號紫柏道人俗出吳江沈氏年十七剃髮陸莊簡

爲南吏部尙書迎晤署中恨相見晚萬厯壬辰莊簡遊五臺訪師
師遣密藏出迎請解帶爲山門鎮癸巳莊簡子基志延居柳上名
其室曰爾菴癸卯師受誣繫詔獄臨寂口授十餘偈跏坐而瞑藁
葬西郊基志兄刑部郎基忠啟瘞入龕師端坐如生衆皆驚歎丙
辰茶毗於雙徑弟子元照分片骨歸塋於爾菴東北隅基志爲塋
記著紫柏語錄一卷紫柏老人集十五卷載明史藝文志
朱志參樵李詩繫
大瑞姓王出家和州航海至湖寄踪洋瀆廟十餘年釐率任誕見
人輒大笑每持鉢乞錢米隨獲隨散徒手言旋鼓掌大喚衆僧夜
演法梵貝交振大瑞倚牀熟寐迨衆僧偃息則披衣躍起獨誦貝
葉文兀坐斗室中錄法華楞嚴諸密藏成數十帙嘻笑時津津內
典叩之則不答天啟丙寅秋忽謂主僧曰余腹豈久爲五穀作主

人遂絕粒跌坐而寂焚龕有異香

府志

雪空初爲行腳萬厯己未正月至鄉民夏姓家齋之言今日汝家
有難可急移夏從之晚火焚其廬雪空因留寓行堪輿術爲主人
擇地居半年一夕曰我去矣更衣沐浴而逝逾時復甦曰我誤矣
不宜死於汝家卽起大步至聖堂從容謂衆曰我今的去卽葬我
堂後言畢果死衆具龕斂今塋在聖堂田中

府志

大遂字梵印號筠隱萬厯間乍浦會濟菴僧覺承講主之法子有

出林草

柘上
遺詩

海旭字竹浪東林院僧有蕪林草

柘上
遺詩

圓映字元徹號雪溪嘉善西林菴僧銳志教理作詩清新崇禎間
居乍浦與李天植唱和有西林焚餘草

樵李
詩繫

通霽字西生號耕霜慈光上人之嗣性孤潔好學中年有志參禪

遂行腳諸方善書喜為詩有斷雲草自闔歸住持湯山九山補志

行涼字勤密俗姓趙繼於朱姓至孝善事繼父生平爽直朋友有

過有面諍無後言初歸蓮池後禮報恩以年老專修淨土晝夜不

徹年八十三終九山補志

行海字萬徹駐柏子菴愛惹山北麓幽勝舉人李天植因構精藍

卓師錫卽以潛菴名杜門簡出能細書手書華嚴經八十一部施

斛食三百壇康熙辛巳示寂朱志纂

通變號一葦從周翼明援遼敗歸遂出家天童後棲虹霓之竹隱

庵年七十示寂歸骨湯山築壇瘞焉九山補志

張復陽名復以字行號南山齊景鄉人業儒棄去從朱良庵學道

妻亦為尼善詩工畫仿吳仲圭蒼鬱淋漓喜作雲水遊止金陵朝

天宮與尹蓬頭為侶復擔書住餘杭洞霄宮凡二十年丹就還嘉

禾南宮有司建一枝堂樓元樓以居之宏治三年復陽八十有八

矣竟尸解去張志

張如忠字思亮母娠時夢白鶴降空而生萬曆甲戌年十八就學

於曹孔榮一夕忽不見及歸自言為羣仙擁去令閉目飛行但聞

雷聲約度萬餘里開曉履地則清虛境矣有樓空闊無際衆仙遊

戲於此過清虛樓有大殿衆仙不敢登遙見一朱衣端立柱左曰

此玉帝傳言使也過殿後見壁立萬仞旁一仙子曰子五世修仙

未成今當尸解復令閉目沖舉雷聲如前但去時冷歸時暄耳一

日攜絳桃大如盞復探袖出大李如拳屈重九忽有二金鶴在地

若飛舞狀藏之家中時聞鐵笛聲明年二月更初里中見火光如

旦則已危坐脫去空中聞鶴唳聲檢笥失金鶴所在朱志

魯志剛字雲陽簡肅後裔善飲至人家索酒言禍福奇中自言當

在雲間脫殼後至松江路遇知府方岳貢出作醉顛狀大呼方當

橫死方怒立斃杖下已而方大拜為李自成所殺越二年湖人有

遇諸閭門外者府吳志參
居易錄

吳守義字印池性好清修主天妃宮事善趙文敏筆法所書行香

子四幅甚可愛馮夢禎書匾贈之九山
補志

國朝

道援字汝航福建溫陵人俗姓陳萬曆庚子纔週歲輒識上元燈

聯句父母奇之初工舉業年十五喪母撫膺悲慟遂祝髮參博山

大師已至天台高明寺閱台宗三大部淹通內典卓錫於杭之橫

山足跡不出戶者十五年崇禎庚辰當湖馬訥菴延駐平山別業

次年陸基志請駐西林提唱宗風順治乙酉馮洪業迂供耘廬晨

夕與其徒夢破暨孫元襄輩機鋒相質戊戌移供寶雲林檢藏多

校正功辛卯十二月留四偈辭世有詩文語錄行世朱志參拓
上遺詩

明方字石雨當湖陳氏子世居御濱受法相雜染閱楞嚴我真文

殊無是文殊義通身汗下參雲門澄得印授以斷拂子一柄遂號

斷拂子主寶慶過龍門康熙戊子春示寂弟子奉其龕丈室中未

幾山寇突至欲燬龍門見師龕儼然昇出之竭百夫力莫能舉驚

以為神舍去寺賴以存後闍維牙齒數珠不壞頂糝五色舍利著

有雪蕉集通志參
朱志

宏覺字夢破仁和人俗姓江名浩字道闇少負才名豪宕自喜所
 交多一時名士嘗獨遊郡西樂其幽勝遂挾琴書挈妻子居橫山
 之麓題曰蜨菴每當風月間夜薄酒命醉登望江山徬徨起詠後
 棄蜨菴從道援剝落為僧隨至當湖復從雲門禮公受具名濟斐
 號口用往來江淮康熙戊子冬坐脫於佛日寺同社諸子建塔靈
 隱五寺橋之西哀其遺稿曰蜨菴集

柘上遺詩

通奇字林野四川人十歲薙染十九南遊徧歷講席康熙丁卯掩
 關德藏寺一日失足墮樓大悟遂破關走姑蘇見悟和尚於清涼
 菴隨入天童人稱林古佛後從悟至嘉興寓黃承吳園中受付囑
 乙酉主法天童通元峯頂衲子奔趨冬夏布衣草履備歷艱苦塔
 於太白玲瓏巖

橋李詩繫

通賢號浮石俗姓趙世居武林徙平湖年十三不茹葷十九至普
 陀禮紹宗禪師薙染三月即歸省親為泣絕乃育髮日閱釋典一
 日在母前講說因果母許其出家由是復剃度受雲棲蓮大師戒
 隨湛和尚開講海鹽天甯寺結刹秦山復隨至嘉興東塔後住海
 鹽鷹窠山養親喪葬畢赴東塔請復上天童後隨本師密雲和尚
 至嘉興黃承吳園是冬退居青蓮寺復往報恩終焉

橋李詩繫

朱志

邑德藏寺杜門閱藏者十餘年塑大悲文殊普賢三香像竣日建
大懺場飯僧俗作無遮勝會康熙壬子冬延主報本塔院建塔五
層復置常住田數十畝已未歲稔設寮煮粥全活甚多重九主放
生會翌日夜半沐浴焚香說偈而逝

朱志

天息上虞人俗姓陳祝髮於新帶之復菴游謁天台牧雲嗣法歸
隱三十餘年未嘗窺戶外康熙丙辰六月忽沐浴而逝

朱志

鐵鼓姚江人俗姓應氏中歲翦髮參學至當湖爲天息法嗣性幽
棲安禪大乘寺寺久圯鳩材庀工殿宇僧寮不期月就

朱志

海布字蒼雲監生鄒銓也葬親畢析家產惠族人就性慈披剃且
售所居築塔石之長隄及石橋性慈寂後爲建幢構三楹以守之
康熙丙寅春遽往天台過石梁禮銅殿銅塔畢還至梁巔飛身入

萬丈潭中塔院僧堅密往攜其骨歸瘞性慈側

朱志

本哲字伊阨湖廣孝感人薙髮後遍歷名區結茅黃草山日趺坐
惟以澗水浸乾糗充饑自是晨昏必飲冷泉寒暑不異後移錫當
湖報本塔院徒澹雲請住邑南之竹溪天童再請主講辭不赴西
歸日沐浴危坐書偈而逝

朱志

宗泰字白山號古笠繆氏子年十八受具於華山三昧律師歸侍
費隱容和尚爲記室專以究明大事爲念寒暑弗懈住徑山之高
菴自稱高菴道人暇輒寄情吟詠有閱世堂稿時喜濡墨作顛草
或繪蘭石自饒生趣年五十一卒

柘上遺詩參
德藏寺志畧

常岫字蒼林別號儒翁又稱松阿樵者姓鄭黃巖人生京師十五
歲薙髮於大千佛寺爲法華老人之孫性沈靜喜讀書所居堂前

有古松數株吟詠其下悠然自得如是三十年徙大房山之窳園再遷良鄉宏恩寺慕永嘉天台諸山水思歸老於浙高文恪得馮氏舊圃為北墅割一區招之駐錫名曰籀藪以康熙戊辰八月入園已巳七月示寂其詩有祖華堂集聽濤稿寒濤閣稿墨香幢集遂清堂集窳園稿東峯蘭若集復古堂稿橋李詩繫行深字山年自稱山道人居邑之北郊三一菴曲水精舍有寄寄

吟橋李詩繫

濟明字靈發通州人訪道天台從靈巖本恆付囑初居邑之半笏菴後移香露林貌古行高性安僻靜年六十七示寂府吳志

超啟字祖量江南鹽城人蚤歲薙髮及長聞靈機觀和尚開堂於資福寺悅而慕之遂往事焉受戒具畢究心淨業三年有成迺受

囑付初住杭之儀隆康熙乙亥延主德藏寺道行古穆識字淵粹

共慶為得人師越三年卒德藏寺志畧

費雲俗姓陸甫七齡幾死於白刃者再而卒不死遂發願為僧十

二薙髮於嘉邑善住菴勵志焚修改名行異嗣後行腳四方道益

進康熙癸亥止邑之雨花菴三月既望已刻召集徒眾沐浴更衣

端坐而逝西野筆談

覆千善山水後遊京師居萬壽寺畫徵錄

聖潛字獅林號浮山其母見紫衣僧入室而生年十八脫白受靈

隱碩和尚戒歸住鹿苑竹溪聲光頓出歷遊雲門資福天童諸名

刹再參碧露和尚於金粟一夕有得呈偈碧公笑頷之歸而一鉢

蕭然杜門養母年七十餘示寂德藏寺路志

實省字惕菴號耕雲年十九薙染後住雲林受戒義果持律精嚴以靜生慧徧參尊宿至揚州天甯寺依明奇座下奇登壇宣衍四眾傾心獨許實省為禪門法器歸後專心禪誦枯坐蒲團脅不貼席者十年素工詩晚與邑人結吟社隨作隨棄不欲以詩名一日忽召其徒曰吾將逝矣作偈而化

路志

觀我字成已乍浦陳山寺僧喜讀儒書不習釋典間作制藝頗有門徑諸生潘潛昭見之勸令返初服觀我心動復攬鏡自照曰如此窮骨相而妄生非想耶詩亦沖淡有神韻年三十餘卒其師為輯遺稿沈文恪公初序行之

路志

王懋德字心一鍊真城隍廟中歷請禱雨輒有雨廡東趙姓婦為邪所惑作法斬之廟西民家日夕有拋瓦礫者擒礫之順治戊子

預告諸檀端坐羽化清芬滿室笙鶴浮空及殯仙觀有五色雲覆

其上

朱志參府吳志

周之臣字爾襄邑諸生康熙丁未受鍊師王崑陽戒倡建松塵道院禮斗會王子上元遇黃冠絳服兩道者來迎乃謂家人詰朝子將歸闔苑矣遂作偈長逝

朱志

郭長彬字去勝母夢呂祖授桃食之而孕幼不慧年十三從邑廟許自修為道士禮斗精勤宵分罔倦積久穎悟及長受法於穹窿山施諒生遊句曲龍虎諸名山得五雷傳歸住松塵道院行法屢驗晚至京師棲白雲道院院為元邨長春蛻化之所肉身在殿每年正月十九日為燕九道流雲集者萬人邨必一過為京師名勝住少時有陝西道士重其德行拜為師以囊資數百金起建道場

於院中諸事皆郭所攝煩倦則靜坐或一日或半日不以爲意至四十餘日道場將滿忽悉更其衣履徧拜前後殿遂靜息踰日不飲食視之則已化於長春之側矣京師競傳其事 豫親王親至

瞻禮爲龕以葬之題曰拂袖白雲相國張玉書題曰長春接軌後

弟子孫楚昂迎龕旋里啟之顏色如生葬松塵道院後府吳志參受中編

陸微字濟蒼志氣高潔不屑逐塵俗工詩善畫能鼓琴入太學試

棘闈不售再娶無子請於母爲道士受正一法登壇行法祈晴雨

必應治疾輒有效居松塵道院晚年別築數椽於東偏足不出門

臨歿索水盥手焚香而逝著有松間道人詩集張志參王志

陸光照字丹林號冰蟾子唐忠宣公贄裔少孤卽從松塵道院陸

濟蒼學受經史及參同悟真篇諸書追隨十九年因盡得其五雷

正傳乾隆丁亥六月大旱縣令周昭仔虔禱無應因延之登壇行

法卽日雨大沛乙巳六月旱尤甚縣令王恆復延禱二日亦得雨

因旌其門曰術精繁露性靜默暇則讀岐黃書每年九夏施濟醫

藥貧民德之卒年六十九路志

平湖縣志卷末

四品銜升用同知平湖縣知縣彭潤章輯

前志序錄

邑創自法志尙矣程志規制漸備朱志謹嚴高張兩志瑕瑜互見王志詳整有法路志續之雖體例各殊

而文獻所徵胥於是均不容忘所自來至修志原委又為諸志提要故併錄入

明

法志 書凡九卷嘉靖四十二年知縣顧廷對教諭法暄創修維

時搜輯採錄皆暄主之故世稱法志分纂則訓導蔡佃丁玉川生

員陸宓馬千里沈朝梓陸萬里徐學沈維盤黃兆賢陸志忠屠鋒

一十一人暄序曰平湖古為海鹽治地最舊緣後鄉附海鹽故弗

著自宣德間始析壤而邑之夫既自為邑其間土疆物產風俗之

宜城池衙署官師之設徭稅人物常變之故宜有所辨而不可以

莫之紀也然自析縣以來及今百餘年諸凡修飾雖已漸備而因仍草創者亦不能無是以紀載之書猶爲缺典瞠叨祿茲邑時與諸生較藝之暇亦嘗追前哲之芳踪詢今時之積滯登陳山以望滄溟行沈氏故墟以訪昔人揮戈斬馘處而思與上下議謀於旗鼓之間每歎邑乘之不作使來者無所於稽以爲信僉曰昔曾再輯而未竟今尙有草存在有司盍視諸故牘以時方專治舉子業未之及也癸亥歲八月邑侯顧直齋三年政成興利剔蠹舉廢飭新罔不悉備而語及文獻之缺尤悵然以爲己責求諸故牘中得所謂志草者又蕪鄙不足以傳乃請諸上司亟加修輯而瞠以荒劣誤承檄委夫邑志卽古外史也素乏三長豈敢妄與筆焉然紀載之事固司文藝者責也況承委命又惡可辭迺萃省府及各縣

志有涉於平湖者而參閱之稽諸案牘之舊咨諸耆舊之口摭拾於稗官家乘之筆爰命諸生卽昔所嘗議論咨究者爲之分類彙集竭管窺之見以加序正凡三閱月而書成分爲九卷夫天下之事必其身所經營與生平所習聞見然後可得其要領是非之詳匪是而欲備往昭來免於闕疏之陋固難矣維是可以考查者如山川之委絡政迹之興廢徭稅之增損風俗物宜之循習變革旣已畧舉其概而人物之去取有不可以臆斷而汎及者則付之公論而取裁於本縣大要惟據事直書不惟其文惟其事不惟其事惟其覈使湖邑析自海鹽而章程文物煥然與諸邑無所降下且或先焉者不至於遺亡後之欲究遐軌者得免於瞠向時無所稽信之歎如斯而已矣若夫民隱士行論著其利弊之源流風之自

而發揮其所以補偏救弊更化宜民之宏畧此則身所經營生平所習聞見者之事也庸鄙何能知哉時同纂次者則訓導蔡佃丁玉川生員陸宓馬千里沈朝梓陸萬里徐學沈維盤黃兆賢陸志忠屠鋒而陸宓馬千里其商訂考校用力尤加勤焉

按法志鈔本流傳絕少其詳不可考茲就程志所載原序首錄

纂次以志權輿王志

程志 書凡一十九卷天啟七年知縣程楷教諭楊儁卿訓導徐行健胡士端重修維時總其綱者府丞過庭訓主事陸澄原纂輯則中書施日升舉人毛湛貢生陸又機監生孫宏祖陸濬原趙韓陸錫禎劉亮采生員何天衢過銘盤過銘孟陸大初過銘簠沈中柱俞允昌陳鳴謙顧建馬嘉楨陸士鉉呂本南姚瑞楨周秉欽二

十二人志分十門一曰輿地其目為建置分野疆域都會山水橋梁寺觀祠亭坊表邱墓古蹟二曰政事其目為公署郵政兵防倭變三曰禮樂其目為學校秩祀書籍義田禮儀藝文四曰食貨其目為戶口田賦役賦鹽課土貢物產五曰風俗其目為習尚歲時家廟氏族六曰職官其目為縣職學職武弁七曰選舉其目為科甲地封蔭胄歲貢例貢儒士辟薦掾丞武科八曰名宦九曰人物其目為名臣經濟文學清修高隱篤行殉節孝友尚義儒林女則十曰外志其目為釋道藝術災祥叢記楷序曰夫志者經之裔而史之翼也歎文獻之不足稱周禮之在魯識其大以恢黃圖識其小以廣青箱譬之粵罇燕函鶴長鳧短各因其宜耳顧志有六難明不足周物識不足通微則難才不足適用文不足彰情則難公

不足定品斷不足決疑則難矧創始與葺故難易倍萬哉余試令當湖學慚鼠獄智乏雞碑門偃戶俯夙夜兢兢其違志事顧潁川渤海米鹽靡密不憚煩碎矧邑志綦鉅目見足踐不一手辦邪禹貢紀田賦高下墳壚黎赤以至篠簜龜魚周禮則及於山藪川浸男女畜擾而班孟堅又詳於政治風俗俎豆管弦厥後桂文襄輩復孜孜於形勢阨塞封疆壺櫟總以奠民生裨治道於是集衆思於期月萃羣勝於寸眸宣廟朝析邑以還差如指掌然而天地磅礴之所鍾靈異之所蓄若人物之磊砢英多雖禹貢職方未及而程世者尤矜重之大都尋烟染芬薰息猶芳徵音錄響操終尙嫻迺世遠跡微幾同溝斷而華袞闕如登高順呼則犧尊之飾青黃而文之仲尼之衡誰執乎幸成翁過師國是持平烏府鄉評推重

龍門筆下風霜案前金石殆季子觀樂自鄧以下無譏昭明選文非蓋棺者不錄春華海棗其免夫邑博楊拙修諸公迨二三矜彥銷燭研露理不謬搖其枝字不妄舒其藻自非邈似繪天茫如毗洋者已余更從名宦稔聞前令劉襄陽瞻幹殊快楊金鄉簡要自持李瀘州端凝率下敢哆都長良深願學以至林洪之秉鐸方嚴梅魏之佐治公亮前事後師甯獨趙沈孫陸諸先達玉冰金矢餘輝照鄉人士乎哉邑人大學士施鳳來序曰前漢郡國計書先上太史後上丞相後漢公卿家乘始集公府乃上蘭臺是郡邑志卽國史張本也乃從來史多浮而志易確何者史局編纂人代邈隔甲乙無恆雖盲腐二家率多遺漏而志乘所載不過以一邑之睹聞窮一邑之文獻論覈難掩事近難欺故有溢史而鮮誣志如洛

陽伽藍陽羨土風荆楚歲時等記是也吾邑自分疆以來閱百餘年山海之鬱蔥人文之巨麗風氣之淳清名卿才牧之偉績節俠瑰奇之逸事輝映江南而典故如綫舊譜淪軼雖前召後杜俱慎重未遑乃程公式使君來蒞此邦風清訟簡鳴琴調鶴之餘首詢往牒爰集邑紳學博及諸名雋因法吳二稿而更輯之由是沿革源流釐然具備或曰當湖剖符未久自國初及勝國以上名流雅蹟已載雲間鹽邑兩志作者茹古而柏今人事既新何當典冊劉知幾謂裴子野宋畧王邵齊志並精敘事無愧古人而世多譽裴詆王蓋江左事雅裴筆所以專工中原跡穢王文由其屢鄙余獨以爲不然子長之撰史記殷周以降採彼家人安國之述陽秋梁益舊事訪諸故老全蜀珍奇詳于益部方物汴都遺址核于東京

夢華安在方言小乘不入輜軒且國家多事之秋使海方僻壤文事武備之盈虛戶口阨塞之要害披圖按籍軫念撫循易于指掌楚材晉用秦渠韓利小用之不如大用之是編實程侯宰天下之左券矣澄原序曰一縣邑之都鄙閭伍固一天下之積彙之爲方輿雄勝者也一手筆之人羣物理固一大手之積合之爲皇史秘文者也我湖幅員亦一天下之積特於一大手之撰未易以旦暮遭故虛二百年以待乃竟一日遇之則有肥水程侯之以循良兼藻繡也謂湖自宣廟庚戌割武原之四鄉濬當湖而爲縣則未縣而前之去辰往蹟載在鹽牒理非我當追躡旣縣而後則剖授之山川膺領之日月鋪敷之經政長養之生靈開拓之文繪皆當踵初基而肇武遡先晷而償暉邀回欲朽之神喚起常暗之律第人

須質之湖產筆始愜于地靈然非隻腕所能肖生獨想堪爲啓境者況簿書期會民事賢勞立有寒門嘲無熱客錦適借其製餘花亦乘其裁間爰親經始用酌規條禮致高流屈延譽俊元因乘乎徐撰近采輯乎柳裁而法氏舊編標目近是乃命諸公人承建創自輿地至於外志後先第次凡十由是力無嫌乎逐日氣各傑於凌雲或壁肯其光或珠生一樹上分斗曜下別吳疆龍顧石而紀山馬循策而記水翰將簸海此外更有九州管欲成城其高若爭五丈里百十四所息之戶積爲天下七千萬之多土五十萬所入之貢亦具兩浙二千五萬餘之一薤傳大而拔本柳亦細而留營犢羨曾留鷺歌于振月邀斫桂雲與看花片念成千秋功垂殺活平衡懸一代器別奸賢孤掌獨捧于入火不熱之君九年不調于

炙手可熱之相著記人高兩翰宗忠諫名推諸抗疏馬看跨竹而垠壘在郊鴻豔冥飛而壇坫增級孝能格于穹壤義每薄乎雲天內之而齧冰履霜外之而餐霞指月祥禳等之述異瑣綴不讓夷堅莫不結撰剖胷腑序論生鬼神事往百年意猶與之踵武聲高千載人若對之晤言道臣勤而勝心欲飛語民彝而貞情自躍疆理亦章亥之始篇帙總藏酉之需雖點墨而注情乍開函而昭勸要皆侯大鎔之合衆銑鑪鞫固自稱神香國之聚名英和劑別應有法如南北史之合宋齊梁魏高宇文五代書之總吳越蜀唐楚閩漢以一手範衆手會他心爲我心挹浮槎之青壯海山之色剡肥流之碧映當湖之波百里清風吹掃往翳當空明鏡照徹前疑雅巖鐵利可以繡梨鯤海網餘堪令造紙雖不能敵肥上英雄記

亦何愧稱鵝湖耆舊傳也念昔治朝譽獻飭蒞名邦若伯玉之著襄陽大復之纂雍錄敬美疏閩部子原志南宮各爲藝家是稱傑構而我湖遂有今乘卷軸實始君侯且東璧乍爾開函上召忽承于帝座郎星纔容借彩司命卽主乎文昌斯固休徵已驗于一時而靈長可占乎百世者也儁卿後序曰原夫志之作也莫先於表其產之良以矜式乎後之士抽裂帛檢殘竹並青陽之翠秀其駿狼之長暉一代闕一代之跡泯如也一郡邑闕一郡邑之跡泯如也負當世之責而提是非之衡有湖侯畸人程先生云湖自命邑以來法丹徒肇始而未備吳仙居續末而不終猶夫椎輪土簣亦難得而渝本矣先生澱澤如飲醇醪逾緩逾醉仁聲如響雷鼓逾遠逾聞於是開三式之館而著錄之生雲興閱朞月之計而彌綸

之任霞蔚審正得窾約舉爲能雖山海繡錯而於徑尺之內犬牙可接雖昭穆綫懸而於方寸之中雁行有序有傳聞欲偉其事錄遠欲詳其跡棄同卽異穿鑿傍說乎無之有空騁其華固爲事實所擯設得其理亦爲遊辭所埋乎無之有世情利害動勞之家雖庸夫而盡飾述敗之士雖令德而常唾乎無之大都立義選言依經以樹則勸戒與奪附古以居宗洵圖史之羽儀記籍之冠冕也顧士習者民風所繇賢關者人材所出儁卿秉鐸散流執爨薄技粵稽安定二齋經義治事志不翅具迺觀朝榮則敬才穎翫芝蘭則愛德芬觀松竹則思貞操臨清流則貴潔行獨上下二百年間先達彬彬坐令選玉登珠慙山靈而愧海若耶遇時則豪傑利馳驚不遇則耿介得高名晞陽之葵在陰之鶴兩兩同軌其無好名

不徹負氣不真為梟為蒿不知其變化猥云白頭俱盡青史誰信
按尚有過庭訓序係駢語于書無所發明不錄

按程志之前在萬歷間尚有知縣黃焯教諭吳迪甫重修志見過庭訓乞旌母節疏考府劉志修于萬歷當是為府志張本楊序所云吳仙居續末而不終也崇禎間知縣吳春枝復修見府袁志吳志藝文門茲廣為搜羅並無刊本王志

國朝

朱志 書凡十卷康熙二十八年知縣朱維熊教諭姚澐熙訓導謝師昌重修維時總裁者翰林陸棻也分纂則舉人陸士玟貢生金璞玉沈嶽張家漢沈季友陸瑋林生員陸若霖過陞孫眉光九人志分十門一曰輿地其目為沿革分野疆域山水塘堰都圖坊

巷鄉鎮二曰建置其目為城池公署學校社學義田附壇廟關梁祠亭

坊表寺觀邱墓漏澤附古蹟三曰食貨其目為戶口賦役鹽課土貢

物產四曰風俗其目為禮儀習尚歲時宗祠五曰職官其目為縣

職教職雜員武職名宦六曰選舉其目為科甲武科地封蔭胥明

經例貢監七曰人物其目為列傳勳爵孝友忠節尚義文苑高隱

方技流寓列女八曰藝文其目為

宸章奏疏記序詩賦詩餘書籍九曰武備其目為汛守兵制海防附軍屯

倭變十曰外志其目為釋道災祥叢記維熊序曰今

聖天子聰明睿知文教聿新

命儒臣輯一統志下

詔四方萬國各以其省會郡邑之記載貢之京師備史館採擇焉平邑雖

僻處海隅其敢或後按邑志始自勝國嘉靖癸亥知縣事顧直齋與法吳兩博士分類成書洎乎天啓丁卯而程侯與楊邑博諸君子更修輯之三長俱備五難無譏洵彬彬乎盛已自入我

朝以來四十餘年閩邑之人物輩出政治迭傳禮樂食貨互有同異雖山川無改舊觀而風土率多遷變矧夫藝術繁興災祥時見文多而易失事久而易湮脫令散漫無憑將

興朝之名賢科第奚所考於其世通邑之沿置而改更者誰與久存

且

國家探訪典故輜軒下逮於何披圖而按籍焉此余來宰當湖懷此耿耿有日矣顧遺編殘缺無復成書戊辰春乃啓陸雅坪先生主裁其事復延邑之文人碩士互爲參考蒐野史訪故老勤求選考

戶口覈實阨塞標題於人則拔其尤於政則撥其要他若職官仕宦科名選舉之臚陳以及輿圖風俗九流術數之並紀有缺必詳甯嚴毋濫實賴雅坪先生及諸君子矢公矢慎秉筆直書爲一邑之令編以備輜軒之採掇予於公餘商榷丙夜不休逾年而其書始成一展卷間瞭如指掌數年來耿耿之初心於斯少慰矣溥熙序曰從來文家之爲文也惟務辨論恢奇情詞詭譎是以揚之則升青天抑之則沈下澤此其習氣使然賢者不免至於記載之文則異是昔孫盛撰晉書于枋頭之戰諸子乞改一字不得士論多之而陳壽三國志索干斛米爲立佳傳醜聲至今以此見筆削之所關甚鉅誠不可徇阿而失真也或者曰邑乘與國史差別國史宜嚴邑乘宜寬國史褒貶互用邑乘有褒無貶有不可同日語者

嗚呼是豈通人之論哉夫邑乘雖小百里之得失存焉千載之是非繫焉縮綬者簿書鞅掌往往苦歲月之無餘或置而罔顧或行而中輟閱數十年更百餘年而一修明之苟不加檢覈將使邑之中有孝思之欲譽其先者有世姓之欲誇其族者爭起而求一字之掄而操觚之士卽楮微穎禿不足以應衆人之環請其爲叢瑣數謗貽笑四方豈淺鮮哉且夫一邑之志上之郡郡之省省上之朝然後史館采而輯之爲一代之全書則國史與邑乘實相終始夫甯有異也余秉鐸茲土忝歷五霜矣前此雖有粉本掛漏尙多幸同年北翁朱公主篆當湖聽政之暇首以文教爲兢兢戊辰夏杪特延陸太史總其大成分署名宿九人並襄厥事逾年始得竣役蓋一行之善不敢有遺一字之褒未常有濫也卽律以國史之精嚴亦無不可至若輿圖之繡錯俗尙之醇醜規制之沿革藝苑之搜羅較諸邑爲最詳視他志爲獨備固主者振舉之功抑亦諸君子矜慎之力也熙不敏竊附酌中訂舛之末其慶有成爰濡筆以識不朽云師昌序曰平湖舊有法程兩志書法志輯於明嘉靖癸亥不及鏤版越天啓丁卯而程志踵成方是時逆豎擅權要典頒布朝無直筆之史官而邑有足徵之文獻斯爲僅焉今天子御極之二十有二年纂修會典檄取郡邑志時雖開局續輯未成全書上谷朱公蒞湖三載政修人和鳴琴之暇亟取前志增刪裁訂重輯以付梓人倣班孟堅十志之綱而附目於其下從雅坪陸太史先生所定也而於人物志尤斤斤加慎焉蓋湖邑雖僻在海壖自明宣德分析諸先正多以忠孝節義儀表朝端如正德時之諫

天子御極之二十有二年纂修會典檄取郡邑志時雖開局續輯未成全

書上谷朱公蒞湖三載政修人和鳴琴之暇亟取前志增刪裁訂重輯以付梓人倣班孟堅十志之綱而附目於其下從雅坪陸太史先生所定也而於人物志尤斤斤加慎焉蓋湖邑雖僻在海壖自明宣德分析諸先正多以忠孝節義儀表朝端如正德時之諫

巡行嘉靖時之議大禮萬曆時之護國本崇禎時之擊魏璫其明目張膽正言而無所避忌者實與國是相關不徒傳信於邑志也夫史固兼於瘁惡志亦豈容溢美果能不悖是非之真無取曲徇孝慈之意是書列傳一洗向來沿襲溫陵分題標列之謬太史令公每於難慎之中參稽斟酌屬有所商一字不輕假借其自輿地以及外志則出諸英分纂探之富而擇之精蔚然成大觀焉是役也諸君子如在石渠虎觀論五經異同各陳其所見以相質主者從而平之於傳有之曰琴瑟之專一也誰能聽之以水濟水誰能食之於書有之曰議事以制無以利口亂厥官和而不同公而能斷是書之可傳信其在斯乎自去秋迄今冬匝期告竣以距法志則週兩甲子有奇程志則週一甲子有奇云藁序曰邑志非小言

也疆域里社幅員之廣大於是乎基戶口物產貢賦之繁滋於是乎括鄉舉歲選賢材之用舍於是乎彰習俗殊風教化之盛衰於是乎判功名節義品類之瑜瑕於是乎分水旱蟲魚時序之豐儉於是乎驗詠歌記述文章之華實於是乎登其所記載不過一邑之事而通之可周于天下極之可以貫古今千萬世之始終疇謂邑志而小言乎哉必也任其責者與爲畧母甯詳與爲疏母甯密與爲恕母容徇與爲遵母容襲湖邑之志自前丁卯以來周一甲子屢奉臺檄督修迄未能觀厥成今幸藉賢明之宰主其事兩師長左右是襄成書粲然在目數十年變更遺軼不至於泯泯可謂幸矣而予竊有慨乎天下之事能任不若其能讓也事固有不當讓者人皆選悞遂縮瞻顧卻走而不之任則有廢墜無修舉有偃

息無仔肩天壤間亦何貴乎人也而事非一人任必合數人共之
其事不過數人而不共焉者必衆羣焉猜焉忌焉循聲而惑形焉
論訛而媒孽焉于是憂讒畏謗之念生而任者之心悔矣府怨叢
說之慮迫而任者之心又悔矣然猶可自慰曰衆口鑠金而同心
斷金也事成而大白于當世則讒謗消而怨說可換也若夫戈矛
生於肘腋敵國樹于舟中以喜怒爲褒譏以好惡爲黨伐詳核則
以爲煩苛謹密則以爲專執倡率由之說則謂亥豕自可仍訛假
平恕之詞則謂薰蕕不妨並列臂欲運而掣其肘也水欲澄而渥
其泥也耳欲聰而鳴其釜也任者之心於是乎大沮乃始悟選悞
遂縮瞻顧卻走之爲知幾而得算也天下事尚可任乎哉今於是
書之成而讒謗怨說之施受可以兩忘畧詳疏密恕狗遵襲之臆

見可以交釋然而爲任爲讓亦由是而審所去從矣

按康熙十一年

勅修省志知縣陳孚宸嘗重修邑志時分纂爲周宏起倪象鴻陸禾諸

人雍正六年重修新省志攝知縣白環亦爲續修均止繕藁申

詳未及刊刻附存之

高志 書凡十卷乾隆十年知縣高國楹教諭嚴瑞隆訓導沈世

隆重修維時分纂則舉人倪藻垣張璜貢生葉鑾監生張雲錦生

員鮑振宗王錫嘏張應璇宋景濂八人志分十門一曰輿地其目

爲圖說建置星野疆域鎮市鄉山川塘堰古城池津途坊表

壇廟寺觀祠墓附二曰食貨其目爲戶口田賦雜稅倉儲鹽課物

產方貢三曰學校其目爲規制碑記祀典經籍祭器樂器附學田四曰

風俗其目為禮儀習尚歲時先祀五日秩官其目為文職武職名

宦六曰選舉其目為進士舉人科貢恩例七曰人物其目為理學

行誼事功文苑隱逸方技僑寓附旌門八曰藝文其目為奏議詩賦詩餘

附雜文九曰武備其目為海防兵制屯戍十曰外志其目為釋道

災祥倭變附叢記巡撫納蘭常安序曰乾隆十年歲在乙丑余巡視

海防道出平湖見南下柘林東來鴛渚漁村蠶市之周羅男穀女

絲之密茂政通人和年歲豐裕自具一種咸若景象予顧而樂之

會邑宰高令輯縣乘方竣呈書乞序於余憶曩者余自滇藩調任

於黔恭值

聖天子

詔天下纂修各省通志余職實董其役黔在荒徼山崇川險兼無

文獻可徵版圖可考有難於較訂者爰延諸名宿視舊志更分別

其門類俾各以所長領修之月會而歲稽焉蓋余深知志書之難

而又知志書之必不可緩而寘之乃私淑於前賢竊取於衆論剏

精微神殫朝研夕有會心獨出之時有因時變通之道而已三易

寒暑矣既成將付劂氏余適有撫豫之

命遂舉而授之後人不及見雕本為憾茲余移節兩浙甫下車即取覽省

志見其條理秩然心喜不釋及檄視諸郡邑乘則有蕪蔓未知裁

者有簡稽失其詳實者且多殘缺失次漫漶不可句讀者急飭修

整而十不一應嗟乎志亦綦重矣上以備史館之採擇下以資學

士之討搜歷代之興衰存焉

朝廷之制度具焉形勢之夷險列焉民俗之醇醜見焉彰善癉惡信

今傳後其攸關豈淺小哉今之邑宰有絕不知志書之為重者有

知之而其學不足以當纂修之任者有其學勝任而力不足以徵文獻財不足以壽梨棗於是因循歲月束之高閣徒飽蠹魚之腹而已今取平湖新志閱之其所分十志該括詳贍去取精覈文采亦饒凡四十餘年之沈廢不整一旦煥然噫令亦勤矣夫令處劇縣案牘芴錯而能加意志書知本務也不藉他手而獨與二三賓友討論內署能謝嫌也且其學充也無事科費而卒能成書其才裕而無所窘也夫爲宰而知務本學與才足以副之又蹈於私是超於尋常俗吏之外者也遂爲之序分巡道單德謨序曰平邑故有志高君國楹宰是邦恪其厥職諸務理甚遂以公餘因舊志修輯之發凡起例井井有條剗剔成書釐爲若干卷而來屬序於余余自甲子冬奉

天子命分巡浙西凡民生之利病習俗之醇澆與夫山川人物學校文章戶口賦役兵制武備及一切鳥獸蟲魚草木之物產無不思治以目謀以心庶幾克副古廉訪之任以無負

盛朝子惠元元之至意而蒞斯土者賢否可從茲立判也無如縣別其封郡區其境輜軒所止持大體爾急先務爾欲舉數百里內靡不燭照數計瞭若指掌抑亦凜凜有未遑之虞夫自邑而郡而省例皆有志上之至一統志要不過以省會郡邑之志薈萃採輯而已而省志因郡郡志因邑是則邑之有志非天下志書之所根據乎彼刀筆筐篋之下糾紛蕪雜念不到此齷齪者無論也若務典修之名而語多襲故摺摭補苴甚者因文施易剗削其成版而改錢之又或撰述自期不復俎豆前人規例與一時博雅熟掌故諸

弟子精嚴較覈遂至師心自用片語滋訛凡此數弊益修益劣于吏治非惟無補轉加損焉余故於是編之成而樂爲之援筆也高君深識偉器抱經濟才善政不可枚舉皆於常職外獨有真意存其間以廣風化以拯民艱孳孳焉行之永久而不怠茲遂能訂徵信之書樹不朽之業有典有則具見苦心使披覽者一如庭戶之間几席之近事無鉅細咸寓於篇則是編也豈獨一方沿革之可考歟文詞該博之可觀歟蓋其爲都人士計深且遠而將以垂範永永者按其書善其治也夫衆康阜民殷庶太平有象風俗可登以爲

聖世紀文治於方隅正賢邑侯事而使者之所厚望因察其治狀許其立心之不苟凡以見雅意蒐採信今傳後不徒尋常稱職以求息肩者類非俗吏之所能爲也爰書此以弁其端國楹序曰平湖居省之東北其地瀕海當西浙之吭於江南若交臂然固屹乎重鎮巖邑也賦多而政繁俗勿盡醇又成海之兵特重滿漢兩營幾抵省會之半內務撫綏外務控制蓋常怵怵焉以叢脞是虞矣余不敏先任常山辛酉之冬蒙

聖天子允兩臺之請移調來茲下車以後考政問俗相度緩急念

朝廷首重農田水利養老恤孤創同善之會淪淤澱之河心所能到力所可爲者數年之中畧能以次修舉又念邑志爲文獻所存疆域見焉風土物產著焉沿革詳焉食貨兵防祠祀政教文章備焉名臣詰士貞媛之風美列焉不甯惟是挽回世教激勸人心之微權妙義亦于是寓焉今平志歲久勿修未載者無可考徵其見存

者亦漫漶不可別識如國仍穢史家去帳籍宰之咎奚以辭緣與二三賓友並兩學博士及鄉之名宿攬摭網羅參互考訂逾年而其書成夫學校爲人文所自出故特自爲一門倉儲乃民命所關於食貨志中又另立一類此則與前志有別者凡以重教養也其釋道妖祥叢志三者無關政教且其事踏駁不足信仍而不增又以正僞而防惑也其他則與前志大抵不甚相遠余於斯有感焉夫此志之欲修也久矣前余爲宰者甫創此舉以釀金千吏議罷去留以待余而余以譎劣之材濫厠繁劇方懼無以劑調懷保輯兵養民深伐檀之憂上負

聖天子暨各憲司畀任之重乃幸都人士俱克諒余黽勉之衷與余相安于郅隆化理俾簿書期會之下得以優游卒業此蓋有數存焉余

敢自以爲功哉惟是後之吏茲土者綜古核今日某事便民某事厲民相觀興舉則有此志爲之嚆矢不復歎壁書竹記之無可援据也其又余今日區區之懷乎至商榷成書實余在江南時同官老友沈公士行光曾勞勩居多例得并書於簡端云

按高志沿襲朱志舊文增輯成書出自嘉興沈光曾一手結撰至分修諸人半皆借名隸簡故張雲錦蘭玉堂集有與邑侯高襄臣書臚其譌誤更正之志

張志 書凡二十卷乾隆四十四年署知縣張力行教諭方元訓導陳孔揮重修維時分纂則進士徐志鼎舉人胡奔勳貢生沈廷燦宋景闢生員陳謨五人志分十門一曰輿地其目爲圖譜建置星野疆域山川海塘城池津途市鎮鄉村公署郵舖古蹟碑亭牌

坊壇廟祠宇冢墓寺觀郵典二曰食貨其目爲戶口田賦蠲賑倉儲場課物產三曰學校其目爲規制祀典禮器經籍碑記學田書院四曰風俗其目爲習尚歲時五曰秩官其目爲文職武職名宦六曰選舉其目爲進士舉人科貢舍選辟薦掾史武進士武舉封贈蔭胄七曰人物其目爲道學忠臣孝友仕績義行介節文苑方技寓賢釋道列女八曰藝文其目爲奏疏詩賦記序九曰武備其目爲海防兵制烽堠洋汛軍屯十曰外志其目爲襍祥叢說力行序曰曩余宰海鹽公餘讀胡職方所纂圖經歎其詳覈有體後有作者弗可及己己亥調任當湖下車始卽檢閱邑乘竊見夫山川風土德業文章胥於邑志焉考志爲前令高君所增修雖規模程朱舊志而詳覈間不逮前人邑人士以是請修於余余惟

國家久道化成光華格被近復纂輯一統志昭

熙世聲明文物一統志徵於省省徵於郡郡徵於邑邑志實古今文獻權輿稍有譌漏勢將靡所據依高志增修以來迄今又三十五年故者未全新者遞積及今不亟釐定更閱數十寒暑老成日遠見聞殘缺卽有好學深思之士旁搜遠紹將孰從而求之孰從而訂之爰於內署西園埽室布席延邑之知名士棲息其中網羅前輩著述參以程朱舊志錯綜考證汰浮游之空論貽實蹟於來茲余得晨夕過從次第商推正其譌補其漏增益近時規制人物若網在綱有條不紊閱五月而書成凡二十卷雖不敢希蹤圖經或以爲可備邑中掌故供

聖朝文獻之採擇倘亦蒞斯土者循分稱職之一端歟邑人侍郎沈初

序曰張侯自海鹽來攝吾邑既至政之廢者興墜者舉乃披閱邑志進邑人而告之曰志不實非信也信而不文不足以傳後舊志越三十年於茲修宜亟顧缺者補之冗者芟之訛者釐之非第二云繼續葺事也爰訪邑之知名士分任編纂書局設署內政事之暇晨夕爲講論討定之凡五閱月而竣余聞而韙之曰洵乎侯之才與侯之敏於政也邑志國史之流別而作之難甚於史史之褒貶是非其事蹟昭在耳目作史者又罕有其人之親舊必欲曲而阿之據事直書卽不失爲良史然昔人猶以爲十羊九牧一國三公頭白可期汗青無日作之難若是今邑志其人之聞於當世者什不得一二作者非其戚黨必其故舊也欲其紀實難已且邑志之難更有與史異者譜地志必細析毫釐羅舊蹟必確分眞贗叙故

事易畧古而詳今編著述易混硤而棄璞往往人持一見各不相下窮年累月而迄無成書乃侯之成是志也不半載而告竣蓋書局設於衙齋則撰次之功易聚而參商之患不生侯又晨夕爲訂論之使缺者悉補冗者悉芟訛者悉釐既信於後而文又足以垂遠事速而效全洵乎侯之才與侯之敏於政也爰書之以爲序

按張志修輯甫竣而分纂之宋景關旋倣毛奇齡蕭山縣志刊

誤體作糾謬二卷頗多所釐正云

王

王志 書凡十卷首末各一卷乾隆五十四年知縣王恆教諭何蕙訓導陳孔揮陳焯陳海重修維時纂修則舉人張誠廩生陳謨生員張人標三人協修舉人屈宗到貢生賈朝琮生員張躍鱗監生張誠四人志分十門一曰地理其目爲沿革疆域山水古蹟風

俗二曰建置其目為城池公署學校官舍關梁坊表三曰海防其

目為海塘兵制汛守軍餉倭變附四曰祠祀其目為廟壇祠宇冢墓

義冢附五曰食貨其目為戶口田賦場課蠲卹積儲物產六曰職官

其目為縣治文秩海防文秩滿洲武秩綠營武秩七曰宦績其目

為文秩武秩八曰選舉其目為文科薦辟武科貢監雜流動戚封

贈鄉飲賓附九曰人物其目為列傳道學文苑孝友尚義隱逸行詣方

技僑寓列女十曰外志其目為祥異叢記寺觀釋道附卷首曰

天章卷末曰前志序錄王恆序曰乙巳歲余奉檄知縣事因進邑中耆

老問民疾苦及應興革事數年以來力所能及者綱目粗舉茲諸

紳士復以修志請志修於明嘉靖迄

國朝乾隆乙丑雖更數手而文不雅馴事雜無敘歲己亥前邑令今

晉歸德太守張公力行竊病之重為剛定芟煩亂截浮辭大改舊

觀但今已十餘年當增入者不少因延邑知名士設局城西簿書

之暇相與商榷釐正為志八為傳二為表二凡十二卷閱三載而

書成因為之序曰古者地理有圖有志周官職方氏與小史外史

所掌而道以詔王者非徒以飾吏事廣見聞而已計田賦而知公

斂之厚薄因物產而知民生之豐儉察宦迹而知吏治之得失考

人物而知士習之華樸俗尚之澆醇其於政乎繫焉若此其大也

乃後代之為志者往往詳近畧遠飾偽傳訛甚至矐親而絀踈以

好惡為褒貶嗚呼一事虛則百事可疑一人濫則同列蒙垢後人

不以傳信而以傳疑不以為榮而以為辱此關於世道人心者豈

淺鮮哉茲志考證採擇不能毫無掛漏惟公慎則余於諸君子皆

可其矢後之覽者可深信不疑焉至於凡地利豐耗民風美惡人材盛衰海防守備皆可按其原委因革之所在蒞斯土者取以謹禮恤民節財養上庶幾有古訓史之遺意云爾沈初序曰我邑未析以前紀載最古者莫如越絕書言平原其次則梁劉昭後漢書注引陷湖事又其次則宋魯應龍閉窗括異志元姚桐壽樂郊私語一係當湖鎮人一流寓廣陳鎮類能道鄉之風土人情至若徐碩嘉禾志徐泰海鹽縣志散見邑境掌故胡震亨海鹽縣圖經並詳析縣事其尤著已其在縣志則邑侯顧君廷對創始於前程君楷續修於後

國朝朱君維熊高君國楹張君力行相繼迭修具有成書其外則李孝廉天植九山志沈明經季友柘上遺詩樵李詩繫盧太守生甫東湖乘張上舍雲錦弄珠樓志宋秀才景濂續九山志朱秀才維謹東湖志宋明經景闕乍浦志皆能羽翼邑乘足備蒐羅我

國家

重熙累洽百有餘年邑雖僻在海隅沐

聖人之化陸清獻以理學名臣應運崛起

世宗憲皇帝特下從祀廟廷之詔而海濱保障我

皇上特頒諭旨命撫臣親蒞相視又文學侍臣封疆大吏先後疊賁

宸章是皆宜恭弁簡端以誌

殊恩以爲閭里光寵而前志顧獨闕如斯則載筆者之疏矣邑侯咸齋王君蒞治三年百廢具興慨然念前志未備允邑人士之請申詳上官重爲纂輯延予表仲張孝廉誠等主其事孝廉固嘗周行天

下徧覽宇內名山大川有司馬子長之風而陳秀才謨屈孝廉宗到賈明經朝琮孝廉弟秀才人標躍鱗上舍誠又皆邑中名宿于焉立體裁慎區辨增新訂舊校訛補闕釐為十二門首登

天章凡

詔諭之專屬我邑者敬謹備書又以張志之修距今僅十年人物不敢濫增宋儒有言修志之難同于作史直筆公心兼長斯善是志足以當之矣予曩直

丙廷聞鄉人來言王君愛民好士有古循吏風心竊重之比奉

使江南按試松郡王君書來屬予序予展卷披讀見其考獻徵文詳明博

雅彬彬乎辨而不華質而不俚雖古良史無以加也況又各著原書溯厥濫觴即謂是志集我邑從前志書之成也可時董其事者

馮司馬錫貴陸上舍子鑑陳上舍錫爵何秀才淵上舍永溱及余族上舍國樞皆公慎詳審例得備書張誠序曰丁未春誠自秦蜀入都寓錢黼堂太史家恭閱

欽定明史綱目三編始知乾隆四十二年

詔褒明季死節之臣追予謚典我邑之得邀

寵錫者有二人焉一為都御史陸公清原謚忠節一為博羅知縣徐公有

度謚節愍 謹按 欽定勝朝殉節諸人錄博羅知縣徐有度平和人闖賊陷京師罵賊不屈遇害見福建通志平和縣屬福建漳州府前志不載非缺畧也又殉節錄載濟南府推官陸燦乃是邑人亦謚節愍 及考邑志之修迺

在乾隆四十四年而陸傳不載其謚徐則并未列傳然後歎海濱僻壤聞見寡陋紀載之缺畧者多矣因錄二公傳藏諸篋笥將以待重纂邑乘上之當事者比秋旋里而邑大夫咸齋先生方有事

增修誠聞之且驚且喜數千里外一念拳拳竊謂何日能償而何幸賢司牧殷然著作之心之不謀而合誠又倦遊適賦歸來謬承屬參末議此殆有陰相於其間者抑二公忠義之氣勃勃不可磨滅也邑大夫遂言于衆曰某初蒞任展邑舊志考掌故見夫煌煌聖訓尙皆闕如陸清獻公從祀孔子廟庭乃

本朝曠典其顛末亦未之載乍浦海防重鎮設官制度何似建官署何所食貨爲入政所先厥田之圩圖畝號厥賦之起運存留又皆畧而不詳惟人物屢修屢增良由編纂之士大率生同鄉居同里直筆爲難而詳近畧遠舉小遺大則固郡邑志通病也今議序列人物必百年而後論定其餘則務求詳盡庶覽者可以知風土美惡政事得失焉衆皆曰敬諾相與矢公慎咸期無負邑大夫之命

伏讀

欽定四庫全書簡明日錄曰浙江通志較他志體例特善考其時總裁爲我邑陸陸堂太史又嘗讀汪學士師韓上湖草堂集論次近代志優劣獨推靈壽縣志第一則又陸清獻公手定書也禮曰在鄉言鄉况鄉先賢著述曾邀

睿賞與夫學士大夫所稱誦弗衰者哉請折衷二志體例而後乃博採羣書網羅散佚可乎邑大夫曰善於是往復考訂上下其議論踰三載而書始成會嘉勇公使相福公大中丞琅公督學使者朱公合詞以先君子墩坡公孝行聞於

朝

天子俞其請下

詔旌表宅里誠方操筆從事簡末有美弗彰子孫之罪惟是先君子見背

越今僅二十年不敢重違初議敬以俟後日之采風者

路志 書凡十卷續四卷嘉慶十年知縣路錚教諭何蕙訓導凌

象山縣丞謝燦續修維時分纂則舉人張躍鱗主事朱為弼生員

陸錫麒胡金題四人其體例詳路序錚序曰乾隆己酉舊令尹遵

義王君重修平湖縣志去今僅十有五年耳及今而有事於蒐輯

也則續之為便惟歷年近則其文不繁而其類亦不備今為攷者

三曰建置曰田賦曰祥異為表者二曰職官曰選舉為傳者四曰

宦蹟曰人物曰列女曰方外而以賸言吏牘綴其末昔宋施宿等

作會稽志張湜續之羅濬作四明志梅應發等續之茲仿其例曰

平湖縣續志又宋周淙之臨安志曰乾道陳耆卿之赤城志曰嘉

定周應合之建康志曰景定元徐碩之嘉禾志曰至元馮復京等

之昌國州志曰大德茲仿其例曰嘉慶平湖縣續志我

皇上泰策延洪京垓紀歲而縣志閱二三十年輒將一續不可以無所別

也是用題曰嘉慶甲子平湖縣續志其事始於乾隆己酉以己酉

之事王志未備載也訖於嘉慶甲子後有述者託始於乙丑可也

又經籍碑碣二門為前志所未有既與續之名不稱又不可以隋

志之上及五朝為例爰別為卷附以雜綴名曰舊志補遺綜十四

卷書成識之如右陞任嘉興府知府前平湖縣知縣李賡芸序曰

平湖縣王志者乾隆己酉之歲前令遵義王君恆所修也隸嘉慶

己未前太守今貴西兵備伊小尹先生有重修府志之舉檄七縣

蒐討近事時余宰平湖乃屬沈上舍國樞張上舍崑紀文學正東

采訪已酉以來節孝事實并檢案牘之文而延屈明經 何煥 張孝

廉 躍鱗 周明經 用錫 朱文學 為弼 潤色之編成一卷上之於府余

擬為付梓以續王志之後會被薦入都未還任即遷去事遂不果
繼余宰是邑者為漢陽路君其蒞任之三載政舉人和士民悅服
既報最入

觀回

撰此續志蓋始自乾隆庚戌訖於嘉慶甲子凡若干卷以接王志
而體例不拘其舊又以王志之所未及者網羅放佚抉剔幽渺別
為補遺若干卷適余由處州郡丞移任乍浦海防路君以余嘗有
志而未逮也每脫一稊輒就余商推余喜其事之覈而言之文也
棊既竣因為識其緣起於右

宋景關修志原委 邑析自前明宣德己酉始作志者法廣文體

諸生陸宓馬千里等共成之時嘉靖癸亥也語詳法志中宓之孫

大初跋曰志成為忌者所埋沒萬曆壬子余讀書北固山向法覓

原稿得之蠹餘天啓丁卯程邑宰楷續修而刻之簡首列剛閱者

二人應天府府丞過庭訓工部都水司主事陸澄原彙輯者八人

中書施日升舉人毛湛貢生陸又機監生孫宏祖陸濬原趙韓陸

錫禎劉亮采分纂者十有四人生員何天衢過銘盤過銘孟陸大

初過銘籃沈中柱俞允昌陳鳴謙顧建馬嘉楨陸士鉉呂本南姚

瑞楨周秉欽分門十曰輿地曰政事曰禮樂曰食貨曰風俗曰職

官曰選舉曰名宦曰人物曰外志而輿地析為建置分野疆域都

會山水橋梁寺觀祠亭坊表坵墓古蹟凡十一目政事析為公署

郵政兵防倭變凡四目禮樂析為學校秩祀書籍義田禮儀藝文

凡六目食貨析為戶口田賦役賦鹽課土貢物產凡六目風俗析為習尚歲時家廟氏族凡四目職官析為縣職學職武弁凡三目選舉析為科甲廕封蔭冑歲貢例貢儒士辟薦掾丞武科凡九目人物析為名臣經濟文學清修高隱篤行殉節孝友尚義儒林女則凡十一目外志析為釋道藝術災祥叢記凡四目惟名宦無析目目各有小序綴撰人姓氏崇禎間吳邑宰春枝議改作未成而去

國朝康熙壬子檄取天下郡邑志備一統志採擇陳邑宰孚宸聘顧燦周宏起等具稿以上宏起有志局本末其畧曰壬子冬十月二十日陳使君孚宸任廣文雨蛟衙官張效鍊查德培鄉紳陸之祺陸光旭陸濟睿陸瑤林楊燦集邑城隍司吉服用鼓樂具牲體祀

神成禮同秉筆者五人明經余及顧燦鱣堂生陸禾諸生倪象鴻

馮先正也余條列三事一曰彙括舊志二曰勘實案卷三曰收采

行狀於是陸筠修

之祺

明生不列傳之議陸鶴田

光旭

建呈牒投

櫃之法以部文諸條為綱而彙括舊志例附益之共為五闕當事手拈分送事竣詣鶴田推為總裁二十三日吏以宜興吳邑侯志本來明年正月當事詣局請成書期同事默然余許以來月先是同事雖任修志久之統紀茫然惟倚舊志為粉本舊志事約而文繁或緣飾駢語或詰屈聱牙為高古與通志義例不合余兼攬嘉府鹽縣兩志暨薛方山浙省志條例復得沈藕菴西平縣志較古史別開塗徑遂以冬餘磨定期獻歲從事其例疆域第一曰沿革曰星野曰封畛曰街巷曰坊表曰鄉鎮凡六條山川第二曰山陵

曰川澤而浜港塘堰附焉凡四條形勝第三曰形勢曰勝蹟凡二條險要第四曰關隘曰屯堡凡二條建置第五曰城濠曰公署曰學宮曰倉廩曰祠祀曰壇壝曰家廟曰寺院曰橋梁附以坵墓漏澤凡十一條賦稅第六曰丁口曰田地曰山蕩而科徵銀科徵米各附其下曰起運爲夏稅爲秋糧各有本色折色其目又有各部項下漕務項下之殊而留充兵餉目附焉曰存留除官役俸糧外爲驛站爲祭祀賓興爲雜支而應裁解部目亦附焉曰隨糧帶徵爲鹽課爲包補竈銀曰額外歲徵爲魚膠爲熟鐵爲黃麻曰課程爲額徵課鈔爲當湖稅課局爲帶徵廣陳稅課局爲帶辦海鹽乍浦稅課局曰匠班曰隨年加減而賦不入田畝科與成書刪編冗項目亦附焉曰裁冗人役曰漁課曰蕩糧而後學田義田兩附目

見末簡凡十四條官師第七曰職官曰名宦凡二條選舉第八曰科目曰明經曰監貢曰武科然後馳封蔭胄與掾丞附焉凡五條人物第九曰名臣曰經濟曰建言曰忠節曰廉吏曰循吏曰儒林曰文學曰高隱曰貞烈曰孝友曰潛德曰尙義曰氏族而方伎仙釋附焉凡十七條經武第十曰軍政曰烽候曰臺寨附以倭變凡四條藝文第十一曰典籍曰著撰凡二條典禮第十二曰秩祀曰儀制凡二條總括全志之大凡而拾遺補闕然後以風俗物產人表叢談四條終焉爲志林之外篇至是胸有成竹告成遂可限期也顧倪旦食後赴局視稿未晡卽歸陸分蔬給四分之一家居撰文不赴局舊志僣余兼節新繕文稿並託改潤三人虛已仰成余亦身任無疑邑人並知余爲總裁也馮疾劇卽世所鬪諸條余代

繕稿二月十五日告成六月局外橫議蝸蟾謗書日上批送局查覆倡首生凡十有六人推任學博爲盟主冀以衆勢相劫十三日公覆云燦等矢公矢慎除裁舊志羨文外非奉鈞批及各房卷案可據子孫行狀足憑不敢疣贅一字其有文行事蹟表表一時子孫或絕或雖存而翫置者別立人表拾遺二條搜羅殆盡豈意頓生異議如馬宦張倪兩生事詞按馬宦贈公廣文維鉉主政維銘郎官德灃舊志鄉賢五十四人三公並不列名卽該學卷案止列廣文名接古掛漏固多續今淆訛不合燦等今志續入陸文學本沈文學瑞槃俱奉鈞批送局非敢意爲增減也至張宗衡之祖大雅程志並無列傳倪洵廣之祖聖生舊志併不列名前無成案近不具呈而橫見汗誣不寒而栗大雅名列科目聖生果係明經相應補入縣志亦事之得平者也初志成申道府當事請併修縣志十四日延見內庭言之愷切尋晤任學博折之公座任計大細請倡首生氣亦沮事就解而當事心厭湖人傾仄不復事縣志矣癸亥纂修會典復檄取郡邑志戊辰朱邑宰維熊聘編修陸棻爲總裁棻謂舊志所當更定者六一學校人才所由出學宮所以崇奉先聖先賢儒學亦公署也舊志第七卷禮樂志始載學校反在寺觀之後似爲失倫况禮樂志

國史攸存入邑志非體也考薛方山通志劉安成郡志學校與公署同列今宜改從二志一通志有祠祀而無寺觀郡志有寺觀而無祠祀今當以祀典注壇廟下免重複一縣志乃一邑之文非私家之籍舊志氏族一條詳畧不均典型無本既不見於廿一史卽通

志郡志亦未之見如欲誇華胄各有家乘可傳今宜刪一志當以史傳爲宗舊志表章先達分別名臣經濟諸條此溫陵李氏藏書粉本不足爲據今槩入列傳毋置褒詞一二氏之教盛行於世勅建寺觀在所當書一二高真靜室尙可附見舊志間入尺菴是爲阿其所好今宜削一藝文爲著作之林舊志往往綴於山川古蹟之下體如小注觀者畧焉今宜歸并藝文志中以便披閱新志所當慎重者四一志以傳信亦可闕疑邑中顯達寥寥列傳固當備錄若欲隱惡揚善難辭取舍之嫌似宜敘列平生不沒其實無事褒貶瑕瑜自明況事已彰於天下而欲諱之於邑中亦何益之有欲諱則可不立傳欲傳則難盡沒其實反是者業不敢預一孝友尙義文苑節烈等傳必有實事昭然輿情共服者方與紀載曠無

私昵詎可空描如欲變亂是非薰蕕同器菜不敢預一富雖可羨名不可假素封之戶寄籍之家無德可稱曷由褒美強之入志手與心違欲加謠詠之威奪其內省之疚者業不敢預一藝文如奏疏關於國政詩文繫於山川風物者在所當錄其爲一家之紀述一時之歌詠當有專彙可藏名山強以必收業不敢預以上十條經經之見自矢至公在所必守如有遺漏更望指南明倫堂何地天地聖賢鑒觀在上共期勿欺以免刑禍已又致書同事論舊志失實曰嘗閱班馬異同新唐書糾繆宋史幽闡諸書皆以誦讀之餘辨論古人得失況身任著述之事而敢因訛承舛如黑益緇分前人之過貽來世之譏不得不爲諸賢析言之也舊志氏族一條無論他志罕見就平湖論之科甲始於沈氏何以闕而不列功爵

之盛始於康僖何反列之於後而居然以孫氏冠之也如以所宗之先後爲序則據志云孫氏周文王之系不有曹氏爲顛項後呂氏爲四岳後宜列於前乎蓋前志屬孫宏祖一人主筆故設此一條以相誇炫凡戶帖譜敘譜列無不具載而他氏則又畧之尤爲不公矣所載陸氏者三其二皆云宋樞密旌吉後何以一人之裔分爲二氏也其一云從魏唐譜屬唐宣公後又云文安四世孫貞恪由魏塘徙當湖爲始祖按象山年譜實不宗宣公也譌雜如此尙可存之貽笑四方乎論者必欲纂入不如廣集刻資合刊世家族譜一冊附於邑志後豈不煥然大觀乎舊志以名臣經濟分別先達吾邑康僖莊簡二公政節相侔爵位相等莊簡入名臣其傳猶詳康僖入經濟其傳甚畧豈列卿記人物考諸書末之見乎抑

無行實墓志可稽乎屠叔方爲御史時具疏爲建文仗節諸臣請謚請祠請修治冢墓請卹錄子孫請赦宥姻黨之株累編戍者豈非言人之所不敢言其種德豈減於康僖公請復恤刑之疏何以不爲立傳謂非沒人善而有愛憎之私者乎尙可奉爲典型乎舊志經濟傳中載祠部郎林桂首建大禮議永嘉然其說上之是明刺其逢惡也末云永嘉特蒙異寵而桂僅以僉憲終是又刺其詭遇而不獲也按明世宗議禮時永嘉僅一守部進士桂已爲正郎豈不可上疏而假手永嘉乎縱有之則永嘉驟貴豈不思報德而出之外臺乎不知作者何據乃有此傳當日林公豈無裔孫何亦不置一喙乃今之人動云舊志悉當遵守請效尤林桂傳以解嘲可乎舊志高隱傳中載孫固辟署華亭縣學事並無固辭不就之

語既受辟署尙謂高隱豈以司鐸一官不足稱出仕乎舊志儒林傳首載陸文遠字伯及宋度宗時都巡檢又云立朝四十餘載按宋史職官志都巡檢掌巡邏州邑擒捕盜賊之事聽所在守令節制此微員也何云立朝四十餘載乎若云立朝何以宋史列傳並無姓氏卽志內氏族條三陸氏下歷敘所宗亦不見諱文遠者豈不自相刺謬乎今欲訛以傳訛舛以襲舛難免狂惑之罪孟子曰予豈好辯菴雖不敏竊附斯言於是更定體例首輿地志其目爲沿革分野疆域山水都圖坊巷鄉鎮而山水下附以塘堰次建置志其目爲城池公署學校壇廟關梁祠亭坊表寺觀坵墓古蹟而學校下附以社學義田坵墓下附以漏澤次食貨志其目爲戶口賦役鹽課土貢物產次風俗志其目爲禮儀習尙歲時宗祠次職官志其目爲縣職教職雜員武職名宦次選舉志其目爲科甲武科貤封蔭胄明經例貢監次人物志其目爲列傳勳爵孝友忠節尙義文苑高隱方技流寓列女次藝文志其目爲

宸章

奏疏記序詩賦詩餘書籍次武備志其目爲汛守兵制軍屯倭變而以海防附兵制下次外志其目爲釋道災祥叢記時分纂者舉人陸士琰副榜貢生張家漢沈季友歲貢生金璞玉附貢生陸璋林諸生沈竦孫眉光過陞陸若霖凡九人每門各爲駢體序署已名而十門缺其一則列教諭姚滄熙名序之俄而愾愾大作敵國起舟中藁大悔不樂任事卽淹博如張家漢沈季友並袖手草草成書藁撰序自陳可悔狀厥後季友輯詩繫考据甚覈以是知志多敗闕非分纂者之譚陋也閱五十餘年當乾隆辛酉之夏方邑

幸以恭議增修以屬原任東流縣知縣陸培培薦諸生劉錫勇暨
余兄景濂及培之猶子舉人天錫拔貢生祖錫分任之宰復謀釀
金供開雕坐是挂彈章落職去嗣令吾邑者爲高國楹有幕客沈
士行起家刀筆惘然自以爲能文高又非科目惟沈言是聽沈在
署剏臺再葺而成顧沈籍嘉興不諳吾邑掌故多訛謬又好芟節
舊志以空論支綴之自詡善本祕不示人及纂人物諸投牒請入
者沈惘然莫辨涇渭謀之學博乃延舉人倪藻垣張璜拔貢生葉
鑾監生張雲錦諸生鮑振宗王錫嘏張應璇及余兄景濂凡八人
爲分纂第令撰新傳注名其下以示此爲邑人所核脫有物議沈
可諉咎時甲子夏秋之交也余兄舉乍浦諸前輩諸節婦撰傳送
核餘並謝絕沈命鈐梨版每門類皆離斷之謂後人可踵刻無庸
易版也其門例入建置於輿地內而升學校爲一門改職官爲秩
官汰藝文中之

宸章

自爲學校序餘九門仍舊序雖輿地志序不能括建置彼懵未知
也目亦稍異輿地志目曰圖說建置星野疆域山川城池津途壇
廟又析小目於疆域下附鎮市鄉村於山川下附塘堰古蹟於城
池下附公署於津途下附坊表於壇廟下附寺觀祠墓焉食貨志
目曰戶口田賦倉儲場課物產又析小目於田賦下附雜稅於倉
儲下附社倉於物產下附方貢焉學校志目曰規制祀典經籍學
田又析小目於規制下附碑記於經籍下附祭器樂器焉風俗志
目曰禮儀習尚歲時先祀秩官志目曰文職武職名宦選舉志目
曰進士舉人科貢恩例人物志目曰理學行誼事功文苑隱逸旌

門而於隱逸不附方技僑寓藝文志曰奏議詩賦雜文而於詩賦下附詩餘武備志曰海防兵制屯戍外志曰釋道災祥叢記而於災祥下附倭變刻成沈得疾去歲己亥張邑宰力行自海鹽移平湖時徵天下載籍輯四庫全書凡忌諱語須刊削舉人胡弈勳以爲言意不過欲去舊志違礙字耳張故好名者輒議重修六月朔集明倫堂以進士徐志鼎舉人胡弈勳副榜貢生沈廷燦歲貢生余廩膳生陳謨任分纂不設總裁開局於德藏寺僧寮余辭歸曰豈可爲他人作嫁衣裳乎以紅牋注高志原文旁摘其訛漏者上之今彙括其說曰高志圖說仍前明規制如報本塔之七級乍浦之稱所有北水門無南水門及譙樓邊海營寨常積二倉報功祠青龍觀潮音寺之久廢者並圖之非實也其於山川則以一拳之祐山土山及久淪入海之故邑山列於前而置現可指數之峯巒於後又列海外諸山係前明海甯全衛洋汛非

昭代

乍浦專汛所轄之地尤無謂也其於公署則海防理事兩同知水師參將兩守備或因舊署改建或新添設分營並含糊無稽至青龍觀古墓考九山遊草原文云磚長尺餘首作虎豹形側有晉咸和元年八月十五宜侯王作數字中有石板長數尺有鏡二瓷鉢一又小似鉢者數枚時崇禎五年五月二十八日文義了了分明無端移石板等句嵌入虎豹形下接以題曰云云乖舛殊甚試問所題在石板乎在鏡鉢乎又訛五年爲十五年何鹵莽如是更可怪者以齊三士墓爲周三士墓又厠近時諸墓間足令人掩口胡盧其於田賦則自雍正六年以前上泝宣德開邑並一筆勾之丁

口攤入田賦後續報丁口名爲盛世滋生罔永不加賦

昭代隆恩曠典例應大書特書者概從闕如蓋彼實毫無見聞也其於學校則歲科入學額自前明迄今或多或少或寡或減或增一無考據混舉順治康熙雍正間額定府學縣學統數以搪塞之於本邑有何干涉至崇聖祠配享不曰顏曾思孟之父而曰以顏曾思孟配尤堪噴飯其於秩官則乍浦所正千戶副千戶旣不分析又千百戶世襲名次亦不全敘另有後所千百戶自正統時調守乍浦終明之世無所改何以概從窒漏滿洲水師左右兩營各八旗以協領五員佐領十一員配十六旗鑲黃正黃正白爲上三旗正紅鑲白鑲紅正藍鑲藍爲下五旗位次井然不紊且有滿州蒙古之別此定制也何以攙統合并漫無區分其於人物則合舊志忠孝節

義等爲行誼一門致前後時輩倒置錯亂甚有子居父前孫居祖前者其於詩賦則采陸天錫感舊詩雖他鄉異縣之何司寇澹菴惠山釋天鈞並載入適見其強作解事耳以上數條据管窺摘錄如此其他體例之乖字畫之誤不堪毛舉有目者當其見之奔動聞余不赴局遂索供給家居屬草他無誤述惟創人物傳彙入新志傳中人多不可問當事微聞之固邀余往余固辭廷燦謨亦不赴局志鼎日以書再三敦余余未有以應也宰遣使數數來余始幡然念舊志之訛漏新志之體裁宜及余身釐定之爰許以

恩科鄉試畢赴局襄理并請移局入署以杜絕諸弊八月二十四日邑

宰延余及徐沈陳共四人入署開局於西園以計偕在卽餽贐辭胡聽公車北上而沈以居喪故旦入暮歸陳則越一宿託疾去不

復入

今王縣志序原彙以謨列分纂誤

宿署者余與徐君二人而已徐沈推余一

手更定余和衷商定之彙本皆余起創正其譌補其漏續載事實要歸簡明輿地志之目分爲圖譜建置星野疆域山川海塘城池津途市鎮鄉村公署郵鋪古蹟碑亭牌坊壇廟祠宇冢墓寺觀郵典貨貨志之目分爲戶口田賦蠲賑倉儲場課物產學校志之目分爲規制祀典禮器經籍碑記學田書院風俗志之目分爲習尚歲時秩官志之目分爲文職武職名宦選舉志之目分爲進士舉人科貢舍選辟薦掾史武進士武舉封贈蔭胄人物志之目分爲道學忠臣孝友仕績義行介節文苑方技寓賢釋道列女藝文志之目分爲奏疏詩賦記序武備志之目分爲海防兵制烽堠洋汛軍屯外志之目分爲禮祥叢記每門各冠以小序又爲邑宰作簡

首弁言次第付梓十月二十日告成余出署不復入逾年始見刻本則被改竄處頗多人物志尤甚無論真僞凡經呈請者並載入亦有不呈請而夤緣入者蓋海鹽朱鴻緒錢塘趙學敏徒習帖括空言無史筆紀載之學又以異縣人昧當湖事與沈士行將母同坐蓮幕取新刻板鏟削而改易之自居彙輯列名秉筆纂修之上夫彙輯者總裁之別名也二君並不入志局宰自序暨沈少宗伯初序無一語涉及兩人則知彙輯乃虛幻耳余忝秉筆不與明辨何以見廬山真面目爰作糾繆二卷質之宰指陳失實矛盾訛謬倒置脫漏乖體例害文義者數十條宰色然而駭亟命工入署改刻未竣而便民倉納糧者大闕宰棄平湖任去越八年丁未王邑宰恆重修余不敢與聞宰仍取余糾繆釐正云

建置續遺

學校

學宮 光緒五年邑人捐修崇聖祠十一年教諭祝家驥訓導鮑謙積歷年 文廟歲修租息暨邑紳士捐修大成殿兩廡並修名宦鄉賢兩祠知縣彭澗章監修十二年復重修忠義孝友祠

建置續遺

義產

文昌祠祭產 光緒八年海沙場書祝春森緣事認捐大堰坊海

沙蕩田貳拾壹畝壹分壹釐額租米壹拾捌石壹斗施家橋西圩

貳畝貳分租貳石貳斗二十九號蕩叁畝捌分租叁石捌斗三十

六號蕩伍畝租肆石伍斗四十一號蕩壹畝壹分壹釐租壹石壹斗

家浜東圩十三號蕩柒畝伍分租伍石肆斗壹分壹釐租壹石壹斗

家宅基圩十五號蕩壹畝伍分租壹石貳斗 歲收租息以為誕

日辦祭之需誕日懸燈設樂並備有茶麵以供邑人士之慶祝而

來者其租息現附登瀛局帶收祝誕亦歸登瀛局承 辦

經董事職員胡澧援照 文廟禮樂公產章程稟請官辦賦稅

知縣彭潤章准行為移場立案蕩單儲庫 行便集續置公產 同治七年邑紳張清瀚等續舉行便集置田

首歲取租息以充經費單契均繳銷儲庫張清瀚行便堂記略自昔仁民之政日養生曰送死蓋死為人之卒事亦欲其無憾也所以棺槨之制尺寸之度皆昔之令典而務得乎人心之安今豈有異情哉無如民生之萃豐嗇不同有力者任所得為若彼貧而死死且無以為殮亦云急矣吾邑迺有行便堂之舉是堂專為歿無倚賴之人代賒棺木始於咸豐四年甲寅前學師許敬齋先生集同里嗜善諸君子鳩資成事行之有年兵燹後闕而未舉而窮檐斃命無措之患倍於曩昔余嘗謂是堂之復殆不可緩適胡蘭濱明經知堂中尚有贖款宜先料理余聞之訢然爰於同治七年戊辰邀同志清釐舊款益以新捐係議章程即就邑廟賜履堂開辦藉蘭濱為之核實經紀歲刊信錄十餘年來邑人稱便去秋余自都門假歸蘭濱方臥病猶語余曰堂中置有簿產慮日後輾轉遞交或滋流弊趁是時纂修邑乘未竣蓋編明地畝列入志書用備掌故且有所稽查余深慮其言商之司堂崔君蓉湖先將堂產業單繳縣銷燬另開畝分圩號梓入邑志蘭濱雖物故其為是堂謀永久心實惓惓至是堂謂便於邑之困焚他日宜知所自也爰撫其由濡筆為之記

陸清獻祠放生湖 即東湖前同治九年邑紳呈請還田復湖由

縣詳奉巡撫楊昌濬

奏咨立案詳祠宇並義產定案後復經知縣邢守道會同復湖紳董張天

翔等赴湖測丈全湖其積二十二萬六千六百四十一畝計合田

九百四十四畝有奇繪圖勒石張天翔刊其為祠產者歸還祠管

仍作放生湖縣文張天翔復湖記畧余既繪東湖圖竟慮收復

始於明陸司寇景莊簡諸公踵承之歲久浸廢漸賃漁戶或售他

姓惟中湖西岸一帶猶屬莊簡祠放生處其餘非陸氏之湖矣乾

隆丙寅歲前高邑侯捐廉贖回南北兩湖及中湖十之三收其港

租為清獻祠產誠感舉也于姓賴以供祭嘗者五十年嘉慶初邑

人假脩復放生為詞置田二十四畝歲入相息以作祠產而易管

東湖水港當時陸齋懼是湖之欲絕於祠也起而爭者不一人環

而控者非一日卒紳於勢力不得直案初定港租尚屬當湖書院

經收自改隸普濟堂掌管遂并其名而沒之矣迄今遂有互爭祠

平明系志

卷之三 建置續遺

陸

仰體先儒愛物之心豈非我邑一快事與於是邑侯復延會稽陸君叙堂治儀矩立標準率弓書並邀邑人士之明晰水港情形者錢君蔚也畹生時君協庭暨余同赴湖濱循行測丈凡荒墩斷岸叢蘆積莽之區靡不周歷察勘窮其涯浹自二月初二日始越五日而事竣全湖共積二十二萬六千六百四十一步合計九百四十四畝有奇其界限四至測所步口別詳圖說湖自潔芳橋起歷安樂安平諸橋迄而南至小港口及東南兩塔灣沿岸一帶水港向為普濟堂先得諸陸氏者并曹廷榮所捐中湖十之七今邑侯既捐贖祠淤之間售他姓者復欲躡高侯之所為並議贖而歸併於陸祠以成完壁此其尊賢樂善所以崇明祀而係小寡者不獨媿美前賢而貽澤之長亦當與東湖之水俱永矣於是乎書按陸祠放生湖志已纂入今奉縣文復將記畧備載

義葬祭產 前光緒六年間知縣彭潤章捐廉置公葬地並置祭

田嗣於十二年二月復捐置舊埭坊永豐橋水港一段東至運圩南至許家堰北至三里塘河西徐家浜許家浜河東南浜中浜北浜歲收港租錢捌千肆百文以作

春秋祭祀之需仍官辦賦稅契單儲庫

城河放生 光緒八年舉人陸師郊援照陸氏東湖放生湖稟請

將城河作為放生嚴禁捕捉各水門鐫碑立石以垂久遠知縣彭

潤章准行

關梁

永興橋 西北郭俗呼教化橋光緒丙戌知縣彭潤章捐廉重建

右梁

祠祀續遺

壇廟

蠶神祠 在佑聖宮後光緒十一年絲業公建以作公所先是七
 年間經絲業稟准於自己行用內每包捐助洋銀叁角不抽扣商
 民以作建造之資不得借撥別項公用歲以為常延董經理旋經
 董事葉存養前後購置鳴西圩基地貳畝貳分柒釐肆毫貳絲肆
 玖拾玖號地伍分叁釐叁毫玖絲伍百貳號地陸釐貳毫叁絲伍
 百叁號地貳分肆釐壹毫伍百肆號地柒分玖釐伍百陸號地肆
 分柒釐柒毫又伍百肆號地壹分柒釐 並自捐基地陸釐陸毫
 陸釐陸毫 共基地貳
 畝叁分肆釐貳絲契單塗銷儲庫是年先建大殿二楹

右入祀典之廟

祠宇

沈參政祠 在東湖左 即普濟庵 祀明貴州參政沈榮 知縣李宗傳有記 沈氏家乘

咸豐十年燬

葛氏宗祠 在鳴珂里新街街祀山西大同參將葛元同治十三

年裔孫肇基建 贍族義田貳千壹拾畝

右鄉賢專祠及族姓宗祠

清白祠 在新倉蘆川書院之左光緒十一年貢生徐步瀛以斷

給款為其兄邑增生徐觀治建 縣文按志載專祠鄉賢而止今奉縣文姑為附載

冢墓

直隸按察使朱壬林墓 在號圩坊黃遺圩九畝灘

湖北布政使王大經墓 在銀杏坊雨圩朝陽廟

湖北督糧道張炳莖墓 在周圩坊弁圩

職官續遺

縣治文秩

知縣

光緒 焦景昌 字達延安安徽太平人拔 彭潤章 五年十月復任

東允泰 字季符江蘇丹陽人舉 彭潤章 十年八月復任

縣丞

光緒 沈 銘 江蘇常熟人十年七月 湯承需 江蘇吳縣人十年九月

王文蔚 湖南甯鄉人十一年八月任

典史

光緒 葉維燾 江蘇吳縣人九年十月 高炳莖 安徽貴池人十年九月

徐 培 江蘇荆溪人十一年十一月署

海防文秩

海防同知

光緒 繆 銓 江蘇溧陽人監生十年 莊濟泰 江蘇武進人監生十一年十一月署

理事同知

光緒 廷 俊 八年九月復任 延 康 鑲黃旗人監生十年二月署

廷 俊

十年十月復任

宗 山

十二年二月復署

白沙巡檢

光緒 趙同毅 江蘇長洲人十年九月 李 銅 順天宛平人十二年三月署

滿洲武秩

副都統

光緒 恭 壽 滿洲正白旗人十年七月 和 琨 滿洲正紅旗人十年八月署

協領

光緒 元 能 正黃旗人左營左翼八年三月署 文 秀 八年八月復任

佐領

光緒 坤 山 正紅旗人右營鑲黃旗九年二月任 吉 煊 鑲白旗人右營鑲黃旗十年十一月任

防禦

光緒 迎 忠 正白旗人右營正白旗十一年四月任 松 恒 蒙古鑲紅旗人右營正紅旗九年五月任

驍騎校

光緒 恒 倫 鑲藍旗人左營鑲黃旗九年五月任 榕 梁 正黃旗人右營正黃旗十一年四月任

筆帖式

光緒 有 裕 正白旗人十一年九月任

綠營武秩

參將

光緒 盧成金 九年正月復任

陳友定 定海人軍功十二年三月署

守備

光緒 張芳 鄞縣人行伍二年七月署 龍開亮 湖南長沙人四年三月任

右陸營

光緒 朱德祈 八年八月代理詳外委 應炳南 八年十二月復署

陳邦鎮 十年十二月任詳千總

右水師左營

光緒 劉至浩 鎮海人行伍九年七月任 施良 九年十一月復署

劉至浩 九年十二月復任

右水師右營

千總

光緒 施良 四年十二月任 王祥玉 六年十一月署詳守備

施良 九年七月回任 朱德祈 九年十一月署

施良 九年十二月回任 朱德祈 十年四月任

右水師左營

光緒 施良 三年四月署 陳邦彥 四年六月任詳把總

應炳南 四年十二月任 朱德祈 七年閏七月署

蔡武嶽 八年八月署詳把總 朱德祈 八年十二月復署

蔡炳章 黃巖人雲騎尉九年六月署 應炳南 十年十二月回任

蔡武嶽 十一年八月任

右水師右營

把總

同治 朱榮春 六年五月回任
施良 八年十一月任

陳邦彥 九年閏十月任

光緒 朱德祈 四年六月任
陳金鰲 七年閏七月署詳外委

吳長泰 黃巖人行伍九年十一月署
朱德祈 九年十二月回任

胡榮慶 定海人行伍十年四月署
吳長泰 十年五月任

右水師左營

同治 蔡武嶽 八年七月回任

光緒 劉泰岳 定海人行伍八年八月代理
蔡武嶽 八年十二月回任

吳長泰 十年二月署
胡榮慶 十年五月署

蔡武嶽 十年十月回任
柯遇春 福建人行伍十一年八月任
以上左司把總

同治 陳邦彥 八年十一月任
施良 九年閏十月任

光緒 朱德祈 三年四月署
施良 四年六月回任

陶永清 四年十二月署詳外委
王祥玉 五年五月任

吳長泰 六年十一月署
王祥玉 九年七月回任

胡榮慶 十年十月任
以上右司把總

右水師右營

外委

光緒 許祥年 餘杭人行伍十年五月任
右司外委把總

右水師左營

光緒 陳殿慶 樂清人行伍十二年二月任
蔡榮華 湖南人軍功四年六月任
右司外委千總

劉泰岳 五年十二月任詳把總
左司外委把總

右水師右營

選舉續遺 光緒年

進士

九年癸未科陳冕榜

葛金烜 丙戌補殿試

十二年丙戌科趙以炯榜

葛金烜 二甲四十八名

舉人

十一年乙酉科

高濤標 四十七名

選拔貢生

葛嗣滢 乙酉

歲貢生

孫寶鈞 壬午

吳惟遵 甲申

鄒洪 丙戌

例貢生

沈頌清 廩貢餘姚縣訓導

徐兆璋 福建漳江司巡檢

沈紹源 附貢署江蘇金山司巡檢

時懋森 附貢署湖北宣恩典史

封贈

張誥 清瀚曾祖 贈中議大夫

張慶成 清瀚祖 贈中議大夫

張顯周 清瀚父 封中議大夫

人物續遺

列傳

文苑

徐步瀛字洛卿號眉似 恩貢生少卽媚學邑遭兵燹藏書幾燬
 步瀛網羅散佚凡邑人所著卷書尺簡不惜重資以購會纂修邑
 乘其經籍志以一人獨任之蘆川書院遺址傾圮步瀛承先志購
 院基別建講舍捐田百畝以資膏火由是士奮於學彬彬稱盛詩
 文具宗法與從弟志澄並著於時志澄字介甫同治丁卯舉人
 一試禮部不復上公車性耽淡泊制行敦厚鄉里稱長者焉

人物續遺

列女 按列女本以生年為次今
隨報隨續不復分年排纂

知縣沈學詩妾周氏

誓不欲生越五日殉於棺側時道光己丑正月八日

也 懃 懃

杜孝女

紅女名懷珍 同治甲戌年二十一父疾篤懷珍割臂肉以

後稍愈然一哭其父

則瘡日迸裂如是者數次及創愈而

嘔血如湧泉矣病瘵

四年卒其卒之日時與父同讞

洪炳照妻吳氏

光緒己卯年二十六夫亡家貧鬻真鏹以自給鄰

職員錢元增妻胡氏

同治癸酉年十九元增亡遺一女

生員顧恩培妻張氏

恩培家貧薪水不繼憂形於色張精鍼術以

姑又苦節二十餘年

君異日當顯達至家務艱難我能支持惟奮

志讀書可也姑疾病

侍奉不離左右及卒出簪珥作喪費恩培客

平胡縣志

卷之

人物續遺

培行恩培曰賊來汝將何如張曰予雖婦人畧知大義賊來予自有定見斷不為賊辱以貽門戶羞恩培徘徊再四張頓足曰君欲俟我死而後行耶不得已向北行二里許及暮而返張方撫子椿年遷避於河濱小屋與三四鄰媼偕處時方夜膳見恩培即停箸變色曰君何又來耶聞賊即出掠萬一不能避若之何於是恩培乃避於大茅塘之北聞鎗聲不絕有自南來者知賊已過舊埭恩培復回見張已赴河死面如生椿年為賊所驚十二月下旬殤

時烈女 湖莠民多從逆無賴子某素稔小姑美也繩於賊渠欲以媚之遂擢舟來誘小姑強之登舟至中流躍入水無賴子復救之起既入城小姑誓不見賊絕食三日不死自縊死

戈雲聘妻陳氏 振鶴女未嫁雲亡聞訃奔喪守節事姑孝

戈貞女 啓元女名年姑以父年老無兄弟侍奉

王廷梅妾金氏 文龍女年二十九而寡撫二子煊焜

監生胡澐妻金氏 監生如松女道光辛卯年二十八澐亡氏孝事

孫元勳成立入邑岸守節四十七年卒

李楨妻許氏 賊至時許在母家即赴水以兄嫂救不死已而遇賊為養媳事祖姑及姑以孝聞年二十八時楨經商出溺死富春江許茹苦守節姑旋病歿祖姑年八十餘矣賴許鍼帶以活賊警日亟許拮据葬其姑與夫兩棺及遇難祖姑痛曰汝死吾何以生乎未幾亦死

翠雲 錢氏婢姓沈咸豐十一年城陷後錢氏挈家避地新埭賊犯主人盛服躍入水賊果爭入水挽之良久不能得而錢氏舟得鼓櫂去

義媼馮媼 午浦人失其氏繫以夫姓夫亡無子出入諸有力家遇主自孤迄成人婚嫁為任紀綱之役得所酬悉以供其夫之幼主韓幼咸姬力焉

王士英妻沙氏 年三十士英亡矢志守節撫嗣子啓文

職監徐光河繼妻陳氏 年三十六光河亡無子以夫兄光治子庠生大椿為嗣咸豐庚申年六十遇難死

陶義相聘妻朱氏 道光壬午年十六未嫁義相亡聞訃奔喪姑因

其年少欲女之朱痛哭曰我婦也今欲女我是

報錫

平胡絲志 卷末 人物續遺

欲嫁我也不如死姑乃婉謝而婦之撫族姪賡元為嗣年五十四卒高論

曹鯉門妻蔣氏舉人濟女道光辛巳年二十八鯉門亡無子矢志守節為夫弟娶婦生姪汝淵撫以為嗣年六十三卒論

卒論

錢培心妻張氏子銘鼎妻時氏張氏適舉人錢熙成子培心年二十九培心亡撫嗣子銘鼎成立光緒戊寅守節已三十一年時氏華亭縣志入烈女傳沈莊

培心嗣子銘鼎殉夫而亡華亭縣志入烈女傳沈莊

州同銜潘泰封妻趙氏從九同志女年二十六泰封亡教三子成立次子和佩遊於庠光緒己卯守節二十

年

顧寅清聘妻張氏嘉興大本女幼字生員顧天錫長子寅清年二十未嫁寅清亡聞訃欲往成服父母止之悲慟

絕食死時道光乙酉也願報

虞生顧福昌妻徐氏監生福成妻王氏徐氏春淑女同治丁卯年二十四福昌亡氏悲慟欲

絕翁姑諭止之遂撫孤成立守節十七年嘔血死王氏大興女光緒丙子年二十三福成亡氏日夜悲號嘔血數升死人稱顧氏雙

節

陶璋妻周氏年二十六璋亡無子孝事衰姑撫嗣子成立光緒己卯守節三十八年

職員黃雲臨妾徐氏年三十二而寡二子俱幼撫教備至為長子若金娶婦未幾俱夭次子汝勤現已成立光緒己卯守節二十

十五年沈潛

高培諒妻張氏監生忻女年三十五培諒亡無子舅姑俱歿本生姑年逾六旬氏奉養惟謹光緒己卯守節二十五

年

沈三德妻某氏年二十歸三德逾年夫亡乘間投河死高論

監生朱大緯妻許氏職員樹德女咸豐乙卯年二十歸大緯九載夫亡奉姑撫二子成立守節六年卒莊誠

陸基聘妻錢氏名玉瑛年二十三未嫁基亡矢志守貞道光丁未卒錢銘

朱邦瑞妻石氏年二十九邦瑞亡光緒己卯守節十九年

陸世勳妻周氏年二十三世勳亡光緒己卯守節二十六年

許禎祥妻朱氏監生鳳輝長女年二十八禎祥亡上事舅姑下撫三子艱苦備嘗均能成立光緒己卯年六十四歲

餘干知縣李泰壩妾王氏子荔生妻蘇氏妾張氏蓋生妻程氏王

年二十九而寡撫所生子蓋生成立娶婦早歿無子復撫嗣孫夔

颺教養婚娶守節二十三年卒蘇氏宏基女年二十四荔生亡

矢志守節時張年十六同勵冰霜咸豐庚申蘇年五十四張年四

十六遭難絕食相繼死程氏杭州仁和人山西代州知州國觀

女年二十二蓋生亡事姑王氏盡孝庚申

之難遇賊不屈赴水死年三十三

吳世鉉聘妻陸氏清獻公元孫念松女未嫁值寇亂世鉉被擄歷久不歸氏在家貞守矢志靡他迨前氏子永清

立迎養以歸光緒戊寅守節十九年

王敬忠妻金氏年三十敬忠亡矢志守節咸豐庚申年七十一卒

朱之鏞聘妻夏氏嘉慶己卯氏年二十許字之鏞越二年之鏞亡氏聞之痛不欲生誓以身殉父母防護之不得

陸孝女名銀珠湖口永和女性至孝矢志不嫁願奉雙親以老同治癸亥賊擾新隸永和挈眷逃避積勞成疾母俞氏亦病時鎮為賊踞醫藥莫得女日夜侍疾衣不解帶籲天禱告願以身代未幾永和歿俞聞之亦一慟而絕女痛不欲生棺殮既畢乘間投河死距父母之歿纔三日耳時四月二十五日事也年十九歲

陶蘭祐繼妻朱氏年二十八蘭祐亡事姑盡孝紡績以供甘旨撫前氏子女如己出嫁嫁無失禮光緒己卯守節三十七年

生員江濬發妻張氏生員清鳳女同治甲戌年十八歸濬發濬發人眾擁擠受傷嘔血不止甫歸家卒濬發有子三人數月前先相繼而天氏既傷子夭復遭夫歿哀慟絕粒誓不欲生棺殮甫畢遂仰藥而死

儒童陸廷柱妻王氏思高女年二十餘廷柱亡子熙敬尙幼殷勤教育得以成立熙敬官江蘇迎氏養於署光緒丙戌存年八十一

監生朱文燿妻洪氏桐鄉寶璋女道光甲辰年二十九文燿亡無子遺一女甫襁褓屢思身殉賴翁姑勸諭始

人物續遺

子遺一女甫襁褓屢思身殉賴翁姑勸諭始

子遺一女甫襁褓屢思身殉賴翁姑勸諭始

子遺一女甫襁褓屢思身殉賴翁姑勸諭始

子遺一女甫襁褓屢思身殉賴翁姑勸諭始

子遺一女甫襁褓屢思身殉賴翁姑勸諭始

子遺一女甫襁褓屢思身殉賴翁姑勸諭始

子遺一女甫襁褓屢思身殉賴翁姑勸諭始

子遺一女甫襁褓屢思身殉賴翁姑勸諭始

子遺一女甫襁褓屢思身殉賴翁姑勸諭始

子遺一女甫襁褓屢思身殉賴翁姑勸諭始

子遺一女甫襁褓屢思身殉賴翁姑勸諭始

子遺一女甫襁褓屢思身殉賴翁姑勸諭始

子遺一女甫襁褓屢思身殉賴翁姑勸諭始

子遺一女甫襁褓屢思身殉賴翁姑勸諭始

子遺一女甫襁褓屢思身殉賴翁姑勸諭始

止女及笄嫁生員湯晉康嗣子福庚又早卒孫鼎奎尚幼復加意撫育備極艱辛光緒丙戌守節四十二年

王銘慎妻羅氏 監生廷幹女道光戊申年二十五歸銘慎五載而寡有遺腹孤積汙時適遭匪擾轉徙逃避加意撫

育卒能成立入邑庠光緒丙戌守節三十五年

徐裕增妻沈氏 監生嗣英女咸豐己未年二十四歸裕增踰月裕增亡哀勸絕粒屢求自盡經姑再三勸諭始進飲

食事姑孝姑病寢不解帶姑沒痛不欲生撫夫兄子又雲為嗣教養備至光緒丙戌守節二十八年

候選同知徐以欽妻湯氏 郡庠生其鎮女咸豐癸丑年十八歸以嗣教之成立讀書遊庠光緒丙戌守節二十七年

沈浩妻吳氏 粹言女道光庚子年二十七歸浩浩有怯症越二年於鄉經紀喪事一無失而亡無子與邁姑相依頗得歡心嗣遭匪擾姑病歿

禮守節二十年卒

陳雲龍妻許氏 守成女道光乙未年二十一歸雲龍九載而寡撫孤守節紡織度日事翁姑極孝歿後喪葬盡禮光緒乙酉守節四

十三年

朱筠閣妻辜氏 洪仲華妻辜氏 均桐生女咸豐戊午筠閣亡氏十三皆無子姊妹孀居矢志各守光緒辛巳

一守節二十四年一守節二十八年

辜位丙妾方氏 方江妻辜氏 方氏文生女道光丙申年二十八而寡有子寄生尚幼其嫡女適方

江為室咸豐丙辰年二十九江亡遺二子一女撫孤守節均極艱劬光緒辛巳方守節四十六年辜守節二十六年

顧雪齋妻丁氏 監生霽亭女咸豐癸丑年三十一雪齋亡舅貢生里所欽崇氏欲紹書香因撫姪福生為嗣

教之讀書光緒辛巳守節二十九年

童生鄒濤妻敖氏 英女道光甲午年二十七濤亡無子撫姪家榮為嗣光緒辛巳守節四十八年

嘉興李宗業妻陸氏 庠生嘉椿女同治壬戌年二十三適嘉興李官廣西桂平知縣隨任守節矢志彌堅

廣西學使詹 旌日冰霜比潔醉襟庚王少椿妻張氏 鴻采女道光乙巳年十六歸少椿越三載少椿亡

如已出光緒壬午守節三十六年

平明系志 卷末 人物續遺

洪祥雲妻張氏

雲龍女道光癸未年三十祥雲亡痛不欲生繼念
邁姑在堂遣孤尚幼仰事俯育倚賴無人遂含悲

飲泣食貧守節事姑盡孝教子有方遺孤興
灑得以成立年九十卒守節六十一年誅讎

生員屈衍長聘妻張氏

秋畬女字衍長道光戊子未嫁而衍長亡
氏年二十聞訃即易服奔喪矢志守貞年

五十四
卒嘔瀾

徐天佑妻戈氏

鑾銘女道光己酉年三十一天佑亡苦志食貧針
黹自給撫孤昌禧成立游庠食餼守節三十七年

卒餘

鍾黼庭妻徐氏

同治壬戌年二十六黼庭亡孝養邁姑恪循婦職
撫夫姪誦清為嗣教之讀書游庠弱冠食廩守

節十九年
卒讎

生員褚朝銓妻吳氏

憲曾女同治戊辰年二十八朝銓亡家故貧
無子與二女勤針黹以奉邁姑姑歿撫姪步

青為嗣以承宗祧守
節十二年卒讎

嘉興生員丁彭年妻方氏

廩生寶善女同治壬戌年三十彭年亡
遺二子一女時適值匪擾流離播遷撫

育倍至及長為之婚嫁
守節十九年卒訕

生員徐金鑒妻王氏

禮堂女咸豐辛酉年三十二金鑒亡誓
以身殉不數日偕兩女投河死

馮春波妻姚氏

道光己亥年十九歸春波踰月夫亡翁目瞽姑亦
年邁氏竭力孝養翁姑沒復售奩具以經理喪事

光緒癸未守
節四十五年

儒童陸為煥妻金氏

升元女道光戊子年二十四歸為煥五載夫
亡孝養舅姑得其歡心無嗣子平階教養備

至咸豐庚申七月遇
賊投水死年五十六

監生俞堂妻高氏

南臺女道光辛卯年三十堂亡孝養翁姑無
子金隄金殿成立克承先業年八十一卒

汪同春繼妻韓氏

裕坤女年十八歸同春越七載同春亡撫前氏
女如已出積針黹工資以為之嫁光緒丙戌守

節一十
九年

吳義生妻尤氏

三壽女年二十六義生亡孝事翁姑撫孤應春成
立應春又早卒與寡媳許氏撫孫福昌為之婚娶

兩世孀居冰霜同勵光
緒癸未年七十二卒

三月系云

卷三 人物續遺

三

許廉慶妻顧氏 梅椿女年二十七廉慶亡二子漢榮勝榮復被賊擄焚燬無依食貧茹苦光緒丙戌存年六十一

許椿庭妻計氏 升吉女年三十三椿庭亡孝事翁姑無孤守節光緒丙戌存年七十

陶財源聘妻胡氏 瑞芳女字財源道光戊戌年十八未嫁財源亡志自守光緒乙亥守貞三十八年

童生周壽字妻陸氏 監生有源女同治丙寅年二十八歸壽字半載夫亡矢志自守光緒戊寅守節十三年卒

戴光釗妻金氏 早年失怙賴母陳氏撫以長成咸豐己未年二十勤無育得以成立光緒丙戌守節二十七年

張維德妻金氏 德顯女道光辛卯年二十八維德亡事姑盡孝撫二子以成立守節三十三年卒

生員徐應瑩妻程氏 道光壬辰年二十八應瑩亡事姑育孤孝慈兼盡守節二十九年卒

廩生沈瑛妻潘氏 金吾女咸豐甲寅年二十九瑛亡事翁盡孝勤儉持家守節二十一年卒

鍾銘勳妻朱氏 善慶女咸豐甲寅年二十二銘勳亡事邁姑撫繼子孝慈倍至守節九年卒

廖洪鈞妻屈氏 振基女咸豐丁巳年二十八洪鈞亡事翁姑以孝待子以慈守節十七年卒

陳石亭妻王氏 太初女道光丙戌年十八歸石亭不數年石亭亡矢志守節撫孤成立光緒丙戌存年七十八

監生屈衍祿妻張氏 秋畬女道光辛卯年十八歸衍祿不數年衍祿亡矢志守節撫孤成立守節三十一年卒

王峻賢繼妻李氏 文彬女道光甲辰年三十一歸峻賢不數年峻賢亡矢志守節撫孤成立守節三十三年卒

林成福妻李氏 大觀女道光甲午年二十九成福亡撫孤成立守節四十六年卒

干益桂妻朱氏 為幹女道光戊戌年二十四益桂亡撫孤成立守節十七年卒

錢禹堂妻費氏 恂懷女道光丙午年二十八禹堂亡撫孤成立光緒乙亥守節三十年

馮應懷妻錢氏 長珍女道光己酉年二十九應懷亡撫孤成立光緒丙戌守節三十八年

潘雲亭妻李氏 文正女咸豐辛亥年三十雲亭亡撫孤守節紡織度日守節十八年卒

周崑隆妻龔氏 兆麒女道光甲申年二十九崑隆亡食貧茹苦勤儉持家光緒乙亥守節五十二年

馬樂亭妻王氏 秋河女道光丙午年二十四樂亭亡食貧茹苦勤儉持家光緒丙子守節三十一年

監生徐履坦妻袁氏 寶華女咸豐庚申年三十履坦亡食貧茹苦勤儉持家守節二十一年卒

顧大昌妻阮氏 道光丙戌年二十七

徐維塘妻張氏 保盛女道光壬寅年三十

錢銘劍妻戚氏 源女道光丁未年二十三銘劍

沈大觀妻蔣氏 聖元女咸豐辛亥年二十

儒童張秉梓妻陳氏 監生夢熊女咸豐丙辰年二

陸掛泉妻沈氏 桂芳女咸豐己未年三十

鍾維熊妻沈氏 沈燮妻龔氏 林名榜妻沈氏 及杏芳妻方

氏 余敬一妻周氏 徐烈文妻胡氏 王雲龍妻張氏 以魁 報彙

外志續遺

祥異

光緒九年夏旱牛疫而死者萬計死牛棄河河為之塞鄉民乏牛耕種田多荒蕪禾稻歉收 十年冬紅光燭天晨夕兩見朝先日 出而紅於東方晚乘日入而紅於西方數月始絕 十一年十一月二十一日夜星隕如雨自西北至東南

叢記


林松鶴閩人居乍浦充採辦銅筋船駕長道光辛丑船遭風松鶴飄沒莫知死所家有六子均穉弱妻傅氏苦節撫育漸次成立 一日謂其子曰兒輩幸長成矣奈汝父骸骨未歸何長子明義遂請求父屍往返重洋歷三十餘載凡日本琉球呂宋諸國靡

不縱跡之會母八旬壽而歸既復議出洋次子明勛進曰兄老矣事當弟任之明義不可乃相偕之日本日本王感其孝給以護照俾徧歷外洋山島忽一夕風大發船不得泊任所之俄至一島見一人中國衣冠者異之前往問訊能歷歷言當日遭風事且自言約畧識彙冢偕往山中指一冢曰是矣兄弟開穴爭滴以血血皆注骨遂得松鶴骸骨以歸詢之島名喜佳其人卽當年同船遭風而存者邑人徐光記其事

縣文

吾邑前志之修闕今將百年矣時歷兵燹文獻散佚修之誠急務也同治甲戌溧水 姚侯來宰此邑始議修志事延先君子爲總纂設局開修事甫草創迨光緒丁丑今黔州 彭侯蒞任勤勞政治百廢具舉尤以修志爲急籌款趕辦期於有成其時入局同事者有孝廉朱君蘭階徐君稼甫明經沈君夢覺徐君眉似王君雲卿時君協庭六人朱旋入南宮又與沈時雨明經相繼歸道山秉筆者寥寥先君子躬同釐訂事事核實凡纂一門脫彙後必再三覆校既歷年所漸有端緒嗣以費絀中止于癸間 彭侯復竭力措資始得開雕不意刊刻未竟而先君子於去秋謝世矣 彭侯以志事未戡命養將遺彙詳校急付剞劂以承先志養後學謏陋何敢僭與志乘特念志所未梓者尙有四種內食貨一志成彙在

篋至新纂之人物暨經籍金石三志先君子未及核正係孝廉徐君與明經徐王兩君分纂屬稟次第將成洎徐明經故後經籍志復經孫農部秋溪徐比部管侯二先生參閱養無容妄置一議而刊校之役所不敢辭當將志稿彙總先後發刊惟自開修至今又閱數稔時事不無變更其應增列入志者別為續遺數帙附於志後以備將來纂修者之採擇亦以明志稿之刻養並夫妄為竄易不過遵 邑侯之命以勉承先志云爾梓既竣因識其顛末於右光緒十二年歲次丙戌孟夏上澣邑人葉存養謹跋



篋至新纂之人物暨經籍金石三志先君子未及校正係孝廉徐君與明經徐王兩君分纂屬纂之第將成泊徐明經故後經籍志復經孫農部秋侯徐北都侯侯一先生參閱無容妄置一議而刊校之役所不敢辭將志稿彙總先後發刊惟自開修至今又閱數稔時事不無變更其應增列入志者別為續遺數帙附於志後以備將來纂修者之採擇亦以明志稿之刻並幸妄為竄易不遇遵 邑侯之命以勉承先志云爾梓既竣因識其顛末於右光緒十二年歲次丙戌孟夏上澣邑人葉存養謹跋

